

兩朝從信錄

兩朝從信錄卷之二

秀水 沈國元述

九月乙亥朔

帝崩時萬曆四十八年九月初一日卯時

頒遺詔曰朕以眇躬嗣登大寶夙夜祗懼罔敢寧居於凡用人行政遵明

皇考遺命力疾舉行哀勞交瘁奄至彌留定數未移考終何憾但念朕紹承洪緒筑疾方新志業未就所期繼述端屬後賢皇長子茂質英資克荷神器宜蚤嗣皇帝位其恪守

祖宗彝憲親賢勤學立政安民朝講一遵典制冠婚擇吉
蚤行出入起居倍宜兢慎左右侍御務近端良内外文武
百執事之臣尚懷隱痛同心協贊永保基圖朕從

皇考在天之靈陟降鑒觀于志畢矣喪禮依舊制以日易
月二十七日釋服毋禁民間音樂嫁娶宗室親郡王藩屏
寄重不可輒離封域督撫鎮守都布按三司官員地方攸
繫不許擅離職守聞喪之日止於本處哭臨三日進香遣
官代行衛所府州縣土官並免進香詔諭中外咸使聞知
文書房傳出
皇長子令吉

皇太后

大行皇帝合行喪禮，着該部會同翰林院計議從優厚具儀來看，又傳。

報計

皇長子令旨，你們會同內閣查舊規報計各宗室，又傳。

免命婦哭

皇長子令旨，命婦免哭臨，并祭禮部知道，又傳。

皇長子令旨，說與兵部并京營提督官，撥選官軍于

守衛

皇城京城各門嚴謹守衛，又傳。

皇長子令旨，司禮太監崔忠看正陽等十六門，并

皇城

皇城四門，掌司巡城點軍，與同張榮協同管事，該衙門知道，又傳。

皇長子令旨，

校地

大行皇帝崩逝未造陵寢着司禮監同內閣禮部堂上官會同欽天監前去天壽山相擇來說

禮部欽奉

冊封

聖諭擇初六日冊封 皇貴妃李氏奉

令旨着該監照擇九月初六日舉行

工部奉

皇長子令旨

皇考崩逝所有皇極門殿并翊坤宮等處工程俱暫行停止特諭

大學士方從哲等率諸臣哭臨

皇考大行皇帝于乾清宮罪即請叩見

皇長子良久未出諸臣力請之

皇長子始出諸臣叩頭罪遂擁護

皇長子出乾清宮門外至文華殿先叩慟

皇長子即正

皇長子位行五拜三叩頭禮呼萬歲乃起諸臣以即日

登極請朝服以待奉

令卽例行郊祀諸大典禮未行于禮未協禮部具儀以聞

二日丙子順天督學御史盧謙奏正士習

疏言師長之教不可不嚴。提調之體不可不重。可謂修論。

吏部等衙門尚書等官周嘉謨等上啓恭惟

殿下暫居慈寧。已卅日。登極自當移駐。乾清宮矣。從

此宮闕殿遠外延迥隔。臣等即有保護

聖躬。何能自遂。所恃

先帝存日。而諭臣等有待封。選侍李氏可以託任保護

之責。臣等曷勝慶幸。第

殿下方在冲年。正血氣未定之時。前此朝夕

先帝防護。自爾嚴密。臣等可以無虞。今不幸

先帝賓天矣。在選侍雖有撫愛之心。自不無形骸之隔。且

有人臣之
蹤

殿下年齡漸茂婚禮未成娥眉粉黛時涵目前萬一防護
稍疎所關匪細語曰不見可欲此心不亂臣等願

殿下爲宗社自愛更願撫愛

殿下者亦當惓惓念及此近議

先帝梓宮安設于仁智殿選侍李氏或可移駐後殿使
一切宮嬪盡行隨入一以奉

先帝几筵之香火一以肅

先帝閭闔之儀範萬一此地不可居則近乾清之別宮亦
無不可者伏祈

殿下傳諭司禮監轉聞于

選侍諒臣等一念之忠悃所

忻然允從。庶臣等私憂乃可釋然。而愛護

殿下者始爲真愛護受

先帝付託者始爲終付託而社稷靈長之慶實此基之

御史左光斗上言內廷之有乾清宮猶外廷之有

皇極殿也惟

皇上御天居之惟

皇后配天得共居之其餘妃嬪雖以次進御遇有大故

即當移置別殿非但避嫌亦以別尊卑也歷代相傳未之

或改今

大行皇帝賓天選侍李氏既非嫡母又非生母儼然居

正宮、而

殿下乃居慈慶、不得守几筵行大禮、典制乖舛、名分倒置、臣竊惑之、且聞李氏侍

先皇、無脫簪難鳴之德、侍

殿下又無撫摩育養之恩、此其人豈可以託

聖躬者、且殿下春秋十六齡長矣、內輔以忠直老成、外輔以公孤卿貳、何慮乏人、尚須乳哺而襁負之哉、又况睿智方開、正宜不見可欲、而何必託于婦人女子之手乎、故在

先皇時、屢請名封而不許、即

先皇貴妃之諡亦許在彌留之際其意可知且行于

先皇則俯錫之名猶可行于

殿下則尊聞之稱亦斷斷有不可者倘及今不早決斷將
倡撫養之名行專制之實武后之禍將見于今臣誠有不
忍言者矣望

殿下收回遺命仍令守選侍之職或念

先皇遺愛姑與以名稱速令移置別殿

殿下仍回乾清宮中守喪次而成大禮庶宮禁清而名位

正宗社之靈實式憑之矣

二日丁丑添設雲南都司

禮部進

冊封 皇貴妃儀注并啓九月初六日辰時

皇長子即

皇帝位二禮難以並舉合將 冊封吉期另行選擇奉

令旨另議具奏

御史王安舜奏曰

先帝之得病外廷所知也三次 臨御儼然步履數次召

見萬然辭色諸臣方日祈

天永命願以身代病雖經旬未應迅速乃突聞有

賓天之事此衷如割但見衆論紛紛咸謂不知誰爲薦李

首發不可
灼罪狀

將緣治理
之堅
與國手也

可灼者進紅鉛一丸

先帝服之不豫臣不敢信也忽接邸報奉

令旨賞李可灼銀五十兩二表禮夫醫不三世不服其藥
先帝之脉雄壯浮大此三焦火動而唇赤紫滿面火升食
粥煩燥此滿腹火結宜清不宜助明矣紅鉛乃婦人經水
陰中之陽純火之精也而以投于虛火燥熱之症幾何而
不速之逝乎然醫有精有不精尚可籍口臣獨恨其膽之
大也以堂堂之

聖體而敢以方外下吏不叅衆論自神其術此其膽真可
以包天中外危疑之目而敢以無方無製之藥駕言金丹

是邪人行

疑故

此磨更不見有人矣。然此猶就其妖術而論也。臣聞其先倡爲妖言。精知子平五星。合以奇門遁甲。人之夭壽貴賤。無能逃者。橫口不根之談。令人厭聽。此等妖人。重則當罪以妖術惑人之罪。輕亦當治以庸醫殺人之條。乃蒙我殿下頒以賞格。果酬其藥價乎。抑酬其經驗良方能起死回生乎。竊謂不過借此一舉。以塞外廷之議論也。人見其于

先帝初崩之日。揚揚得意。私竊危之。而不知其線索已關通矣。蓋輕用藥之罪固大。而輕薦庸醫之罪亦不小。不知其爲謬。猶可言也。以其爲善而薦言之。不可言也。夫使賞

之不頒臣已不能無言況見其何物小臣恩典與大臣等臣益不能嘿嘿矣天下自有不可掩之耳目臣今日不言則此人名播京師自謂術能動

九廟日後妖言妖術所誣世道惑人心者將不知所底臣亦知凡關已成言之無補公麼之臣不足以辱白簡但事有關係直欲留此一段清議足使天下亦能窺其微而有所不敢動耳奉

令貴李可灼

先帝病革之時具本進藥不效殊失敬慎但亦臣愛君意姑從輕罰俸一年

之蔡入而
方有在處
古儀者尤
文昇者尤
從急于楊
澆一疏

御史鄭宗周奏曰頃崔文昇包藏禍心用藥不慎

大行皇帝明哲寬仁履位匝月一旦崩逝社稷失依神人
怨恫中外臣民無不痛心疾首恨不即食其肉而磔其骨
此其罪彌天尚可一日緩誅俾奸人復有以窺

殿下之淺深哉且非獨自今日文昇始也往歲張差之變
操鋒禁門幾釀不測之禍

殿下豈不親見當年情節乎豈不明知有今日乎祇以
皇祖優容未盡厥罪故文昇今日尤而效之其所由來漸
矣伏乞

殿下即將文昇令下三法司嚴鞠是否故誤有無謀使若

東使諸好
笑眼

屬有意速應處寃以消不軌即使無心亦當寸斬以謝
九廟若當事大臣受

兩朝顧命之義當主少國疑之時尚不極力担承明言正
法果何以報

先帝而忠 殿下乎臣非謂誅一文昇遂足以申

國憲而消逆萌第恐張差之後因有文昇今文昇尚然不
問將許人得志又何所忌而不爲也臣竊爲

殿下危之痛之用是瀝膽泣血誓不忍今日與此賊俱生
惟願

殿下大奮乾斷防患未萌更願二三大臣盡心調護保安

宗社臣即觸犯雷霆亦不避也奉

令旨先帝自在青宮宿疾未痊又因連值大喪哀思勞悴以致前疾增劇崔文昇專管醫藥全未奏效其進藥日斯及藥方有無錯悞着司禮監查明奏處

四日戊寅御史郭如楚奏曰恭惟

大行皇帝聰明仁孝數日唐虞不幸倏爾

賓天升遐之日士民哀號考妣之慟無間遠近

殿下以冲齡之質膺此重任一應禮儀所賴二三大臣詳議恪守而日來多有可議者如李氏以進御舊愛微加封之

明旨爲臣子者似宜將順然而

皇祖之山陵未襄

大行皇帝之梓宮初殯

殿下將登大寶典禮叢集拮据不遑床第私恩何忍獨急
昨科臣李若珪與臣同官左光斗皆言之閣部執持斷當
緩議無容復贅至于初二日開讀

遺詔雖拮据鄭重既兩閱日矣非有倚馬刻燭之忙也宣
詔之時東班文臣常濟濟從事西班則僅僅數人諸臣怠
慢咎無可諉然亦當事周章遲滯以致班次寥寥其大率
有如此又如初三日成服千官鵠立旣愴愴其哀慕復凜

凜其肅雍而由寅連辰杳無贊理之聲細詢其故始知閣臣等內殿禮畢而思善門橋南諸臣若無所事者大臣禁近即當先入行禮尚宜出外領班同成禮而後退若謂內有內成服之禮外有外成服之禮是共一大禮而分爲二禮若謂大臣有大臣之哭臨諸臣有諸臣之哭臨是共一王臣而分爲二臣也前此未之有聞止班中九卿科道多係禁近之重侍從之親豈其弁髦視之向非鴻臚補贊中侍傳出幾不得終事其決裂有如此也又如欽賞諸臣中及李可灼可灼進藥未必非一念愛主惟是賢道精微自度無洞垣之識不可試也先知有膏肓之急不可諱也奈

何赤丸之投不效。白雲之乘遽升。可灼宜席藁待罪。而煌煌金幣。冒然拜承。噫嘻。

兩朝顧命。遭此殊恩。公麼貴郎。亦將同賞。濫施如此。又可令衆庶見乎種種舛錯。職非不知言之無及。然往不可諫。來猶可追。願二三大臣加之意耳。昔張居正之相。

神宗顯皇帝也。亦爲幼冲登極。太阿在握。材力威靈。可以噓氣成雷。移山入芥。然一時貞臣志士。慷慨上書。至于捐軀。以如薺濱九死。而不悔者。畢竟衆怒難犯。防川必決。身名毀敗。所不足惜。而國體人情所傷多矣。故職願大臣之熟計之也。

文選司主事呂維祺啓曰竊惟

先帝嗣登寶位甫閱月矣而發帑撤稅川賢錄弃恤馴矜
罔種種善政日不絕書乃忽一朝

上寶大小臣工以及輿臺皂隸無不悲悼擗踊徬慕殷摯
是

殿下億萬世治安之基

先皇啓之也中外臣民皆欲

殿下早正大位以膺 帝春頃臣隨諸臣後于 慈慶宮

門舞拜山呼儼

天顏于咫尺諸臣覩

殿下粹潤之姿。墨威之容。俱手額稱慶。以我君有子。社稷之福也。雖擇吉具儀。奉有令諭。而人心激切。瞻仰神靈。不可久虛。當事諸臣。自有老成長慮。無煩瀆奏矣。惟是殿下一身是。

二祖列宗之所託昧。

先帝之所鍾慈。而百官萬民遐邇華夷之所仰望者也。起居宜慎。問誰翼護。飲食宜節。問誰視膳。左右不得嘻笑。于傍問誰厘肅。侍御不得雜進于前。問誰防閑。閣院大臣此際必費苦心。九廟之靈。實式憑之。天下有常有。幾有經。有權則輪番入直。宜于宮門近地。每日同科道等朝夕問。

慰○凡○所○以○開○其○心○而○定○其○志○安○之○貽○而○萌○之○消○者○無○處○不○
到○無○敢○忽○寧○過○計○勿○常○格○寧○預○圖○無○姑○待○而○

殿○下○尤○宜○不○時○召○見○商○量○大○禮○顧○問○政○事○宋○儒○有○言○人○主○
一○日○之○間○接○賢○士○大○夫○之○時○多○親○宦○官○宮○妾○之○時○少○則○可○
涵○養○氣○質○薰○陶○德○性○故○諸○臣○之○入○直○

殿○下○之○召○見○非○獨○備○呵○護○抑○亦○以○廣○

聖○聰○也○至○于○親○近○內○侍○急○擇○老○成○忠○謹○者○四○五○人○各○以○姓○
名○達○之○中○外○俾○曉○然○知○以○重○厥○任○第○不○得○干○預○政○事○即○嘗○
受○

先○帝○付○託○以○保○護○

殿下者更宜倍加維持而益篤恪靜一切用人行政小者由閣票擬大者覲面商確與情必協中旨必慎蓋防者不于著而于微杜者不于成而于漸嗟乎

仁聖中道崩殂日來中外率疑進御無節陰觸有自雖悠悠之口未足盡憑而臣民抱終天之恨恐不獨一御藥房之崔文昇也秉國鈞者必有以處矣猶有說焉寺丞李可灼進藥罔效雖原心之無他亦何功之可錄不問已矣又從而賚之文昇不誅可灼蒙賞賞罰無章國無法矣選侍之封蒙 旨另議具奏仰見殿下慎重至意或即

先帝從鄭養性收回成命之意。即職堂官周嘉謨等本中移宮之語。誠爲篤論。

登極在邇。移之此其時矣。職于今日。惟願早嗣。

大寶慎加調護。乘輿無輕動一步。女侍無雜進一人。雖小事必由外擬。嚙笑不以假人。更望稍節哀痛。以迓

皇天之眷。以慰

先帝之託。以答天下之心。是日也。百官悲痛之誠。翬載之忱。憂危之思。人有同心。職情倍切。職心倍苦。用敢入議。倘以臣爲小臣也。是何足以知

國家大計者。而姑置之。臣滋懼矣。

五日己卯兵科楊漣上言自

先帝升遐人心危疑咸願

殿下即日登極用洽輿情而遲迴慎重必待擇吉者固以郊廟未行大禮不容草率尤爲深慮乃人言宮中有先朝選侍欲儼然以母道自居外託保護之名陰懷專擅之實大小臣工心切疑之不敢以身輕付之不可信之選侍手故力請

殿下暫居慈慶宮者實有鑒于

皇祖鄭貴妃之事欲先探別宮而遷之然後奉

駕還宮此職等之私願忠手

殿下者也。

祖宗之宗社爲重，宮幃之恩寵爲輕。九卿科道具公疏，奏臣復有專號，異言法言，懇懇侃侃，總爲

殿下正位乾清宮而發。選侍之所以必欲別宮之故，亦旣稔聞之矣。今諸臣靜俟五日，登極已定，明日矣。旣登大寶，豈有

天子復偏處東宮之禮，而怙恃寵靈，妄自尊大者，猶逼處于其間，種種情形，實爲非法。今又奉有移宮

明旨，若仍復借擇吉耽延，豈真欲中外之共主，遜避一宮嬪乎。人言紛紛，其謂李進忠、劉遜、劉進忠等擅開寶庫

兩朝御信錄 卷之二
盜取珍藏豈必欲盡取

累朝之有而後出宮乎抑借 皇貴妃名色遂目無幼主

乎 貴妃虛名冊立雖係

先帝遺命開恩尙在今

上新綸以今日

天地神明之共主即我

皇祖與 先帝伯叔兄弟俱在稱臣之列

兩宮聖母若在亦必加以皇帝尊稱選侍非嫡母生母無

妄恃舊恩曰我貴妃我哥兒作此大不敬話也天下其孰

能平之夫禮有當以義斷者分有難以情奪者

祖宗典章二百年來相傳

天子居正之宮又就得選就官嬪而悍然敢撓

明旨以據之臣謂

殿下避居燕慶六日已是恩遇

選侍有禮漸再不可長

矣仁再不可過矣謂宜

勅令

選侍之內使如李進忠劉遜等傳之內廷但恪遵

天語即是吉祥不得藉口擇日立刻移入一別殿養老自

便是守禮安分

殿下之恩禮或當日後倍加若李進忠劉遜等亦當念

三朝奉養之恩有以效忠于

先帝之子孫無謂

殿下幼年尚方三尺不足畏也至于閣部大臣既當鼎軸宜矢公慎擇

兩朝任用內使中老成忠直者傾以丹誠開之報主今日侍起居一切美色玩好不使雜陳于前庶幾志氣清明精神強固萬年有道之長實基于此蓋以

先帝聖明同符堯舜祇因前日鄭貴妃亦以保護爲名不離乾清宮左右雖天啓

先帝聖鑒隨即遣而病體之所以沉痾醫藥之所以亂投人言藉藉至今抱痛談虎色變臣等安得不爲寒心即

選侍亦當退遠嫌疑。當年郭女得幸，從來外邊猶得傳之，無得多生侈願可矣。此移宮一事，臣言之在今日。

殿下行之亦必在今日。閣部大臣從中贊決，毋容泄泄。再爲姑聽之說，亦在今日以無負。

先帝憑几輔

殿下要緊之託，夫亦惟燕寢之處而後。

殿下之身安，諸臣擁護之責亦必如是。始可則安，不然但直駕前奔走清道，辟人而根本之地尚未安頓清楚，則從騎侍衛原不乏人，亦何取于諸大臣作一牛馬走其間哉？臣待罪諫垣，茫無短長，祇以論奸賢崔文昇，深防名封凌。

通之漸蒙

先帝得隨大臣後與聞 顧命此誠千古殊遇雖捐摩頂踵不足以報

先帝之知茲者銀幣之 賜尤同諸大臣特荷恩施君父頒賚義宜祇承而中間拜命之餘感慨交集特申諸臣善美之請以效涓埃萬一之報總之臣從閣部大臣面承先帝之命止知守 先帝之命

祖宗必不可挪移之典章愛

殿下以正始必不可遜避之名位止亦以成 先帝之寵嬪于禮順情安也若有不思尊

天子而曲徇怙寵之宮人此無禮于君之徒九廟之靈必立殛之矣臣悲憤填集握箋泣流不勝哀悵之至

選侍移居于仁壽殿

改元恭旨

禮科李若珪奏曰切惟

殿下明日登極登極之詔即定年號之前

先帝登極之詔以明年為泰昌元年願先朝臣皆知

今去登極止半日耳其用何者兩字為元年也擬正不

已蒙 敕照舊臣等皆不知禮部亦不知此等大事禮

部決當會議禮科亦當與聞姑且勿論惟是

先帝即位雖僅歷月而善政遍滿已足千秋大業豈使

年號之不存昔建文無年號至今人心不平堂堂

明朝豈又有此大闕大謬臣有一得之愚啓之

殿下商之同朝訓除明年正月初一日為我

殿下紀元今年自八月初一

先帝登極之日以至十二月終斷宜借之

此議與李
同

先帝俱稱泰昌每年月日萬曆年號斷自今年七月終止則是

先帝之年號既不虧萬曆之實數又不碍

殿下明年之稱元實至便也造曆在即時刻難緩懇祈

令諭該部傳示內外臣民自今以至年終凡上疏及文書

等項俱稱泰昌

元年 月日

御史張源樹曰嗟乎改元事至今日而始議之晚矣

先帝八月登極以明年為泰昌不忘

皇祖也今上九月登極以明年為天啓不幾忘

先帝乎以臣見謂當于即位之始會議妥當頒詔天下

曰

皇考年號既頒朕不忍以卽位遽易其仍以明年為泰

昌元年再踰年始改為天啓在

先帝不忍忘

皇祖在今上亦不忍忘

先帝事或如生其志一其事同斯不亦父子之孝先後

一轍毫無可議哉乃天啓元年之詔已頒而泰昌改元

之議才起明年天啓已歸成汴今年萬曆遂無泰昌嘔

此議不必

吟思慕寄之何所古來須唐太宗者必曰貞觀頌仁宗者必曰慶曆蓋政績零星難紀喜談樂道者率以年號盡之

先帝即位一日惟稅盡罷帑金大發大條詔充耳目亦備即貞觀慶曆不多讓焉若紀元事而不紀年世遠言湮得無以中主視之不得已而以今年八月為泰昌以

明年正月為天啓畢竟于

先帝不遽改元之意不甚符令然亦于不安中求其近似者以之若欲弃泰昌之號而不存第曰未及改元而崩于義不忍恐臣子愛君不敢為今

土作此過舉也古來未有當年而改元者亦未有踰年而不改元者亦未有踰月而喪兩君者發出不常禮當

義起

先帝情之所安處即天下人情之所安處也然言此于今日亦自是贊談奉旨會議于心不安不敢雷同故抄出與天下人共商之謹揭

御史黃士彥議曰稱元之義其義著于易而法備于春秋易曰元者善之長也又曰大哉乾元統天之義也于德為仁于時為春四時備而後稱年故春秋隱公齊元年春生正月解者則先入君即位其體元以居故不言

明神宗皇帝

上

六年十月也。又云：嗣王定休于初亥而改元，必于踰年者，繼父之業，成父之志，不忍有變于年。若中歲改元，使先君不得畢其數，嗣君不得正其初。于義爲不經，以事言之。

先帝即位一月，善政不勝書，其爲共主明矣。而登極之詔，稱以明年爲泰昌元年，實未嘗改元也。今先帝晏駕，陰月矣，臣子乃追而改之，如八月可改爲泰昌，則九月應改爲天啓矣。于事爲不信，或以失紀泰昌年號爲慮，則

先帝時雖未久，大位已正，固

九廟一代之宗也。修史者自書某宗皇帝于某年月日即位，詔以明年爲某元年，所行某事，善政某日崩，未及改元，修史之體若此，誰能隱之？

歷朝諸帝嗣位，俱以明年改元，于禮爲最得。

先帝之以明年改元是也，而臣子乃欲于其崩後改之，是以過舉遺。

先帝耳，且必定于

皇上，又以通舉遺。皇上也。天下萬世自有知禮者，議禮諸臣，誰實任受過乎？或以孝子尊親爲疑，夫入子之心無盡，而事勢偶值

此議當存
恭昌

其窮亦人子之無可奈何者。且千輔廟稱爲宗于改元亦不沒其實矣。若禮不宜改而改之爲過。子未嘗改而改之爲証。于人之心亦未自得也。或以事不得已。不故通其權爲解。夫權所以濟變也。不以權則變不能濟。故聖人有化裁之妙。非于理不通而強爲者也。今改泰昌之號于事無所加。不改泰昌之號于事無所闕。正宜以常禮爲御耳。安用反經而不合于道者之爲是乎。再月而三易重事。誠書史所鮮聞。而禮則古今不變。萬曆四十八年八月初一日改泰昌元年。臣切以爲非是。謹議。

御史左光斗議曰。年號一事。前已具小揭略陳其策。今奉旨會議。宜再有言以申前說。年號何爲而議也。曰爲泰昌也。泰昌之生而改之也。何爲其存與改也。曰生而急欲尊大之。爲改。崩而不忍。斬削之。爲存也。故今日之議兩言失之。曰天啓之議未昌。非泰昌之議萬曆也。泰昌之議萬曆則不宜改。而天啓之議泰昌則當存也。若使泰昌

晏駕。稍待半年。或稍待二三月。又或泰昌之詔未宣。而泰昌之曆已頒。可以無今日之議。惟詔已頒矣。曆已改

矣。天啓之明年已定矣。泰昌二字。茫無安頓。于是追思

先帝之懿美。不得不曲全。

先帝之年號。而紛紛之議。直欲削之。臣愚不知其解。天

下之事。情與理而已。泰昌雖一月。亦君也。今一月中

而萬曆四十八年之美。厚其終。天啓億萬年之祥。開其

始。將不稱宗乎。不稱廟乎。稱宗稱廟。有廟號。而無年號。

永將孫稱

祖號。弟襲兄年。如建文景泰。以叔侄兄弟之事。行于父

子之間乎。以親以世。無一可者。臣切以爲非理也。泰昌

之于萬曆。猶天啓之于泰昌也。泰昌不忍其親。則存之

天啓獨忍于其親。則削之。是陷

皇上于不孝也。即不忍于祖。而忍于其父。猶之不孝也。

急欲全泰昌之孝。而不思所以全

皇上之孝。是議者之過也。何也。泰昌之改元。以明年春

亦曰億萬斯年。行有待耳。今已矣。復何待哉。生爲一世

之君。沒不得享一日之號。仰既不能得之父。俯又不能

得之于子。則泰昌在天之靈。必不安。奪子之不足。以增

已之有餘。則萬曆在天之靈。亦必不安。

皇祖 皇考之靈不安。而謂

皇上之心能安乎。臣竊以爲非情矣。夫千古禮法。史書

之宗無如紫陽議則存萬曆而并存泰昌綱目通鑑而書具在一覽可得勿庸聚訟爲矣嗟乎嗟乎是上踰年不改元之非尤甚于不踰年改元之非今已矣先帝不忍改元之是而又不貽皇upper踰年不改元之非是在二

三大臣主特之力耳謹議

逸史曰年號是紀時事帝號是前君德紀年有無于君何與而辨議盈延乎凡章奏書冊中紀年年號何常僅頭可以想矣諸疏中士彥爲得

黃說據禮之經諸議於時勢難處之中求其所以安人心合天理之一義禮隨義起直其然者乎

六日庚辰

帝即位

七日辛巳

上命查九月初一日起初六日隨

駕值宿文武諸臣姓名

八日壬午給事中惠世揚奏曰自輔臣方從哲秉成以來國事日非封疆日蹙端人正士聽幕賓之主張傷殘殆盡紀綱法度惟私情之徇比類廢無章臣切痛之恨之拜命之初欲特疏糾叅以

先皇祖上賓中外惶惶政本之地不宜間無一人故隱忍至今

皇上當此非常之變續承大統自能親賢遠奸副

先帝惓惓爲堯舜之君之意乃庸回比周之元兇不誅無以成時雍風動之治有如奸相方從哲者可容一日總天

下大政乎臣請歷其罪爲

皇上縱言之獨相七年妨賢妬國罪一驕蹇無禮夫悞哭
臨罪二挺擊青宮庇護奸黨罪三恣行胸臆破壞絲綸
罪四縱子殺人蔑視憲典罪五阻抑言官蔽塞耳目罪六
陷城失律寬議撫臣罪七馬上催督斷送全師罪八徇情
罔上鼎鉉貽羞罪九代營權稅辱國殃民罪十有此十罪
已不容于堯舜之世而况其無君之罪又有秦檜盧杞所
不忍爲者乎鄭貴妃包藏禍心宮中以因

皇祖有所牽制而不肯發

先帝有所顧忌而不忍言 封后之舉

先帝蓋有深意滿朝臣子于

九廟之傍倡義執爭從哲兩可其間一揭僅爾塞責假非先帝神明英斷從利臣之言明示輟止階之爲禍何可忍言是從哲徇平日之交連而忘

宗社之隱禍也無君當誅者一李選侍原爲鄭氏私人麗色藏劍

先帝未正且以因緣近幸之故欺抗

先聖以爲人臣子不共戴天從哲獨非人臣乎及受劉遜李進忠盜藏美珠夜半密約必欲封爲貴妃封妃不得又欲占住于乾清至初九移宮是視登極爲兒戲而

天子可以護宮人也。從哲何心滅絕人臣禮至此。是無天當誅者二。崔文昇輕用下洩剝代之藥傷損

先帝科臣先言之。臺臣追論之。心痛而聲急。自是臣子迫切至情。從哲又何心而代擬出脫耶。以君父之性命作私交情分。律之趙盾不討賊。許世子不嘗藥。又何辭于弑君之罪乎。是無君當誅者三。二事倉惶。諸臣憤不容已。求從哲一面。冀其回心易慮。稍稍照管。

君國而從哲偃卧東閣。不知應也。詳講授見之禮以拒衆請。而實則密與諸奸另作商量耳。止知有承奉貴妃。不知有

宗社遠憂，知有逢迎。選佻不知有

天子名位，知有結納。崔文昇不知有君，其罪上通于天。臣若懼禍，不言聽從，皆據得爲之表裏。奸臣自爲計得矣。如宗廟社稷，何書曰：除惡務本，去奸勿疑。詩曰：式夷式已，無小人殆。是在

皇上深思早爲之計，決養癰之勢，在今日也。

上曰：言官論事，當平心詳審，豈得以風聞臆度，輕詆大臣，有傷國體？元輔已有青留了。

九日癸未，御史倪應春獻萬世治安策曰：恭惟

先皇帝以仁孝智勇之資，當正位凝命之日，躬野生色，雖

堯舜何以加焉。未幾升遐。普天同戚。莫不瞻雲就日之忱。畢聚而圖報于

陛下。臣日隨諸臣後。仰見我

皇上鳳表龍姿。翔翔天際。登極之晨。天清日霽。赫然萬里。中外加額。以爲太平

天子。臣遭遇

聖明。敢不以摠欵欵之愚。謹以最關切者爲

皇上陳之一曰保身。

皇上之一身。上帝之所歆饗。九廟之所憑依。

神宗顯皇帝之所鍾愛。

先帝之所託重四海臣民之所尊親而尚祝萬年者也責任誠重且大矣冲齡嗣服璞玉未彫培植匪易爲力情竇方開血氣未定保護尤難爲功保之者誰則受顧命諸大臣事也乞

勅慎選內侍每典衣每典冠每典膳每典文籍每典啓閉各定職掌嚴示賞罰而尤擇端正老誠有氣節者日侍左右知飢渴察寒暑慎起居遠聲色庶不見可欲則心不動元氣固而神氣益萬年無疆之慶始基之矣一日定志夫君心必有所志不志于憂勤則志于晏安不志于仁賢則志于聲色不志于道德則志于貨利而

國運之隆替關焉我

皇上臨御伊始百慮湛然如太虛未雲止水未波定之此其時矣乞

敕閣部大臣朝夕啓沃凡有所陳反覆開導期

聖心有悟而後已燕居或虞荒于嬉也

勅儒臣取古今典章事蹟編成短歌明白簡當令侍習誦
聞則歌帝側俾時時入耳儆心又取萬曆初年帝鑑圖說
稍加修飭列于左右几席朝夕觀覽俾時時觸目儆心我
皇上所與皆正人所聞皆正言自然清明在躬志氣如神
遇事便能剖決是非用人便能別白邪正而天下之治成

卷之十
癸一日講學我

皇上年踰志學之期未行就傳之禮賴

先皇帝廷訓最嚴循習已久然教有作輟學未緝熙

國計邊防吏治民瘼歷代之政治本朝之典章能一一周知而徹乎乞

敕選經明行修有道術者于大禮竣後宏開經筵援古誼今力爲闡發以廣論思我

皇上有疑必問有難必辨必專心致志惟講官之言是聽毋以久坐而厭毋以予聖而傲毋以寒暑而輟久之義理洽而心境開日與儒臣膠漆一切曼靡華麗俱不足以眩

惑之矣。一日勤政。人君一日二日。萬幾卽兢兢業業。尤虞有叢脞之患。今何時哉。二百餘年相傳之統緒。忽焉在躬。先皇帝未盡之鴻猷。待之不振。加以水旱日聞。民生日蹙。夷氛日熾。邊防日弛。此正

皇上憂勤時也。伏願勵精圖治。早朝晏罷。凡朝廷政令。及各衙門事體。一一與大小臣工。而相策勵。而振舉之。諳練久。而天下不患不太平矣。一口納諫。人君生長深宮。何由知天下事。非從人言。又何繇知所行之得失。故設臺諫。以充耳目。耳目通而身安。言路通而國泰。頃宮闈不靖。諸臣合疏單疏。以請。願我

皇上英明，一旦掃而清之，聽言亦既效矣。此後有憑城社以作奸，借叢神而營私者，言官不難披瀝以聞。所恃者惟皇上納諫如流耳。乞霽帝王之色，擴包荒之度，言觸忌諱，毋疑其沽名語犯當塗，毋令其中制隨上隨下，捷于轉圜。庶人知感奮，士鮮隱忠，而國無壅蔽之患矣。一曰謹微。國家惟名與器，難以假人，故煩縷之惜，正名之先，又有深慮焉。

神宗顯皇帝太阿在手，四十八年。

其慎也。我

皇上寶曆方膺，正人心，市恩怙寵之日。

笑無私假。

爵賞無私喜，刑罰無私怒。凡有陳乞，一稟諸

祖宗之成憲外廷之公議而毫不以已與焉法行自近權
不旁落而尤有煬灶以干斧鉞者乎若藩封業已奉詔藩
府一定急令之國永祚屏翰于以廣剪制之愛而杜耦大
之嫌是亦謹始慮終之意矣而其幾尤在閣臣之主持閣
臣受顧命而佐新猷兼有師傅保之寄焉責任何等重大
關係何等吃緊舉動稍稍不慎令宵小窺而中之大事去
矣願以至精至密之心時通

帝座以至公至虛之心總持朝綱議未定不妨斟酌以求
至當議既定不難擔荷以鎮危疑未雨而徹桑土履霜則思
堅冰大小聯爲一心官府合爲一體然後天下事惟其所

幹旋而靡不如意。閣臣倘亦有樂于中乎。昔江陵張居正
爲相。其時事正與今日合。居正綜核名實。信賞必罰。勲業
爛焉。惜其以寵利居成功。未一段精神。不用以奠安宗社
而用以恣行胸臆。不用以培植善類。而用以擠排忠良。身
名兩潰。子孫隨之。此今日得失之林也。語曰。權臣不可有。
重臣不可無。噫。非權而何以稱重乎。願

皇上予之以權。絲綸無從中降。閣臣善用其權。意念絕無
旁落。明良久而德業成。豈不猗歟休哉。惟閣臣實圖之以
贊

皇上平康之理而已。

君德成統
全在輔臣

十日甲申御史聶紹昌恭進繼述二字言用人用財宜召
宜一以

先帝爲法○禮部左侍郎李騰芳教習右侍郎顧秉謙纂
修

十一日乙酉刑科魏應嘉奏曰恭惟我

皇上受天之命冲齡踐祚臣民手額喜效嵩呼乃初五日
雨露之澤雷霆之威正當具儀肅戎收捕盜閹之會豈非
玄穹保佑百靈競趨而初六日雨霽雲開天清日朗臣民
舞蹈萬口歡騰于都盛哉

天子萬年太平有道于茲甚矣臣等忝班侍從咫尺

天顏當此極盛之時敢忘獻納之思哉一在經筵之蚤舉
蓋人之學問以先入之言爲主向懇出閣之期今正橫經
之會即

皇上睿智天錫而灌溉栽培于此時尤屬萬分吃緊是在
輔臣首爲請行慎擇講官心術正大容貌端莊才學該博
音吐宏暢者始勝其任而寫倣作對之成規似不必拘假
如目進講章敷衍四六結尾備陳經史兼入時事此等即
激古含今敲金戛玉何裨于

皇上之始事臣愚謂每當講期願以

皇明祖訓帝鑑圖說二典三謨通鑑直解諸書或三條或

大婚

五條講官平平解說細細剖明于以主張意識疏通聞見
日講日熟豁然貫通所謂聞正言親正人見正事無切于
此行之有恒寒暑勿輟自然鄙褻之談不入靈惑之奸不
行此非保護聖心之最要者乎一在大婚之早定近日
皇貴妃與選侍之移宮也舉朝吐胆以爭

皇上轉圜而聽拔去根芽復何所慮然乾坤匹配首重人
倫况在

皇家尤爲鄭重豈可一日無中宮以毋天下耶且暮
神宗山陵竣事是在輔臣首爲請行在事諸臣必躬詢博
訪此中機竅毋再令人關通令人闌入以爲後日假借之

地雖視天之妹本自天生而極力主持端繇密勿以我
皇上聖明更得宮中一鑑不惟起居飲食安然無恙即
窺伺之奸何從生盜夫之際可永杜譬如士庶之家外有
主父內有主母定是耕織不亂規矩整齊而嬪嬙有數嘖
笑無假

皇上一意朝考夕稽而無虞于內顯則身體自然強固
聖政自然清明此非保護

聖躬之最要者乎一在近侍之得人頃劉遜李進忠等盜
竊內府珍寶財物發覺見已擒拿正法人人痛快夫寶玉
大弓之盜其意叵測春秋所嚴此舉再無有包天大胆敢

爲游說者、但

皇上所與朝夕左右者、總不外此閹寺之流、其中爲呂強、
爲張承業、讀書知道理、畏法度者、豈無其人、而蒙蔽陰陽、
乘機不逞者、亦不少、我

皇上聖心方啓、天躬初端、必不可使不逞者、厠足其間、近
日

聖旨沛如、章奏䟽通、誠爲快事、然此間有發有不發、意思
令人可窺、而至規切救正之䟽、又一概不發矣、此果出自
皇上之意乎、抑有爲之陰陽于其間者耶、

天威在上、邀取賞封、臣固知其不敢、而軟語談言、擇其不

便于已。厭聞于人者而停閣之。此必然矣。何如一并廢下。當行者行。當議者議。使效一得者皆獲自伸。行其私者動有所畏。大家輔。

皇上爲聖人而已。亦垂芳名于史冊。如先朝懷恩諸宦寺。流芳至今。不猶愈于偷取富貴。憑藉權力。草木同腐。禍敗不測者耶。以此保護于內外。廷之所望。而我

皇上之所宜亟爲留心而覺察者也。至于輔臣方從哲等。佐理新政。固見其勞。而近事多舛。未強人意。如崇李可灼以罰俸。人皆謂其不足以盡大胆之辜。崔文昇者。止查進藥日期。及方法有無錯悞。以了事。如出自內擬。當爲執奏。

如票自閣臣、不知其解、文鼎之罪、上通于天、猶爲寬假他、
何誅焉、臣願輔臣將從前一切過誤、當速爲救改、從前一、
切葛藤、當力爲斬斷、寧負人非、負國、寧負權豪貴戚之家、
毋負、

祖宗、先帝之恩、提掇精神、浣滌腸胃、但能救其一半、亦、
可盡却前愆、若享此大富大貴、忍于負、

國負恩、

九廟有靈、豈獨無畏、臣又以、

神宗四十八年之貽燕、其得力處、全在萬曆初年之輔養、
向後何等神明、晚年猶然倦勤、從哲等念及于此乎、保護、

皇上之事，可作尋常不急之事乎？歷血敷陳，仰祈聖斷，天下幸甚。

十二日丙戌，御史顧慥奏曰：恭惟

皇上出震繼離，秉乾履泰，適當

皇考庶務畢舉之際，群工向用之時，匝月之善政易循，有道之靈長載啓，臣未敢樂以政務輕率以煩

聖聽，但願

皇上取遺詔中，所稱恪守

祖憲，親賢勤學，出入起居，倍宜兢慎，左右侍御，務近端良等語，揭之殿廷，觸目儆心，遵循省察，寥寥

天語。即是 典謨。奉奉服應。即成。

聖孝。無疆大曆。恒必由之。此。

聖明之首宜注意者也。若乃時事之足厯宸衷者。無如遼。
左一。事。竊惟奴酋發難以來。假令戰守之事早決。未必滋。
蔓之勢。難圖。始則諱言于宋。而以戰爲輕。嘗繼以失利于。
戰。遂以守爲定局也。臣不諳軍旅。又未覩全遼之情形。但。
以事理度之。竊謂援遼之計。決于守而成于戰。必能百戰。
百勝。以示威。乃可以固守。今日經臣之所從事。戰耶守耶。
出關業已踰年。戰守豈無定策。乃虜輒出輒利。未聞我兵。
以一矢加遺。其將盡撤蒲河以前之藩籬。而獨以瀋陽蔽。

孤遠耶無論藩籬撤而內地終危就令永固斗絕之空城
能拒長驅之馬足撫清開鉄之殘破何以復我故土杜松
劉挺之碎骨何以謝彼忠魂始猶曰無兵今十餘萬之衆
既已雲集矣始猶曰無餉今百餘萬之金不難立發矣當
此

先帝激勵之秋豈是邊臣觀望之候而今日曰酋將犯搶
明日曰我當戒嚴日復一日長此安窮臣不知究竟何如
也臣前閱姚宗文之疏謂六月失事焚掠太慘村屯一空
專制關外胡匪不以聞昨見賀世賢塘報則僅僅斬一級
獲一盛奪四韃馬而遂張大其詞誦功于部院揚翊其雄

謀此何等舉動、何等威略也、不亦羞 朝廷而貽蠻夷笑
耶、且士馬物故、不知幾何、一級四馬之得、恐不足以贖損
兵折將殺掠之辜、當事者何以自處于此也、戰則不能、守
則不固、荷戈之士、徒備斧插挑濬之役、尚方之劍、僅供作
威逞志之具、而尚嗟口于遼城之無恙、四方之調募、祇以
捍一孤城、而遼陽之戎、究竟當何日解嚴也、檄諸邊以禦
東虜、竭全宇以供一隅、今年八百萬、來年八百萬、

天助

聖朝必令小醜回心窮寇自斃然後可、不然水潦旱蝗、所
在見告、此八百萬者、安能歲歲而輸之、臣恐財盡民窮、盜

賊蜂起、憂不在三韓、而在蕭牆之內也。又况大衆雲集、能
不生心、及瓜之待無期、河上之師必潰、未來者必懦怯而
而不敢前、離心者又怨懟而不敢前、此時何以收之、此段
精神、不知當何時固結、何如兢惕、若以馳馬躬歷爲勞、而
以告病乞身爲託、非經臣之所以爲。朝廷方便也。今日
之事、盡在經臣、成敗以之、死生以之、不然已壞之疆上、廷
溺旣已肩任于前、已總之將卒、廷溺將使誰承當于後、是
故必無弛擔之理、如曰朝端議論、慮不乏人、無捉定憊臣
不敏、則經臣之言外矣。議者之易、誠不若任者之難、抑尤
任者之功。何以塞議者之口、經臣辭家獨任、竭力任勞、臣

豈敢沒其拮据之績。但不審其援遼之局。作何收拾竣事之期。在何歲月。其帷幄運籌。何事爲上策。所當急圖。何事爲密謀。所當決計。可顯言者。宜即拮据以安中外之危疑。欲密成者。不妨秘揭以紓。

主上之東顧。若能滅寇殄虜。當明示封侯以作其忠。倘其遜懦觀望。不宜復溫言慰諭以成其餒溺。矢心報。

國。正在更新之時。無爲介介于人言涓涓于乞告也。

皇上奉天啓泰運。景象昭宣。諒此么麼不難朴滅。第瘡及成。而豈宜更養防已久。而慮其漸踈。伏乞。

皇上敕下廷弼。速爲分理。毋復推諉。以失衆心。以誤國事。

全遼幸甚 宗社幸甚

奉

聖旨建夷屢犯內地損失甚多遼陽孤危深爲可慮熊廷弼着益用心料理多方防禦圖保萬全以紓邊患戰守機宜原不中制毋得推諉誤事

酋入撫順大掠而去

袁應泰巡撫遼東

十三日丁亥御史舒榮都劾原任遼撫周永春

上曰永春功罪俟事完酌議

十四日戊子御史申廷謨請

其三元奏
勸無廷弼

夫謂之言
何容易信
但廷弼不
米聚言自
是自高刑
殺大事與
論皆然也

賜民租以四方荒歉故也

十五日乙丑御史馮三元奏曰臣聞之人臣事君見無禮
于其君者如鷹鷂之逐鳥雀也况磨特達之知專閹外之
寄騷動天下之兵傾竭府庫之財而尺寸之功未立誕設
之語頻加人臣之義固如是乎由今言之則孰有欺君罔
言逞臆行私妬賢嫉能愁民悞國如經略熊廷弼其人者
哉自遼左發難已來大小臣工交章互薦以爲廷弼可用
于遼左也

皇祖起之田間寵之異數亦曰惟爾具有艱難之略也爲
廷弼者肝腦塗地沙場碎首曷足以報

皇祖知遇之恩而兵柄久握協人共濟亦豈無因敗爲功之會乃精神不以籌邊而意氣偏以角內才能不足以勝敵而推扯偏用以覆短綆短而咎汲之深木曲而惡繩之直以殺爲威以復拒諫人心不附方略全無天下之事美之已壞乃謀欲卸担而却之也此可爲封疆之臣乎中外之人皆知其必誤遼事特懼其有阻撓之名而莫敢言也臣以爲及今不言聽其自敗亦可然而遼禍日深時事日去一旦土崩瓦裂大壞而不可收拾言之不已晚乎臣謹按無謀者八欺君者三試爲

皇上備陳之夫兩敵相持食爲司命千里餽糧五石勞費

何不言謀
宜以大軍
禦敵今民
日取所儲
之粟即如
陳豨雖以
收括縱大
兵之民无
足畏故官
軍則貪其
利則謀害
不可也

何如善戰者因粮于敵况自有而自失之也開鉄被陷遺
禾滿野窖貯場積皆為外儲廷渴有謀必止選鋒簡騎倍
道兼行輕兵在前重兵宿後裹粮而返奴將不覺比其覺
而我已返矣不然而付之祖龍一炬猶可不為敵資乃計
不出此而今日恣搬運以當奴明日恣搬運以當奴曾一
騎不敢窺也此其無謀一也中國之長惟在火器憑城却
敵于此攸賴敵貯密防猶防不測乃八萬之資一朝而燼
曾無防閑何其疎也向使敵人有知輕騎驟臨人心既搖
倉卒無備一鼓而登發蒙振落耳此其無謀二也北關為
奴內患為我外援倚角不失率然自在金白告急其勢不

北國志
卷之二

詔不足
罪之

兩朝從信錄

卷之二

五

得不救聞道臣欲以二百萬爲之應援而廷弼不能用也
坐使奴去腹心之蠹我失肩背之助此其無謀三也戰與
守不同情勢籍伍既定妻奴與備甲士授田戊期有代守
此計也浚陞增壘誠爲要務不可緩也若夫四方聚兵千
里轉粟府庫內空士卒外頓乘機設會惟敵是求又何守
之專事乎乃健兒不以禦侮而以浚壕行伍不以習擊而
以執土工一旦有急徒委之柴賀數千之家丁此可以禦
敵乎此其無謀四也潘陽之犯與王大人屯之役已有先
聲斯時也我主彼客我逸彼勞循陣誓師藏形設伏摧鋒
制敵正在今日茲賊來而聽其蹂踐賊去而謬曰堵回于

萬戎行安在而數敗衄也此其無謀五也又所云守者據要害走集也如地在必守人力可効扼吭之勢誠難委矣乃數十一屯數百一聚如以蛙噉蛇相次俱盡何益之有此其無謀六也人情可守自爲守者得力乎代人守者得力乎安家行粮于客兵費乎于土兵費乎遼人可用而不可用礦兵可用而不能川乃以噎惡食聞以遼事守遼之說也及其失望而散猶曰遼東無人何其謬也此其無謀七也自古善用多者莫如王翦剪之六十萬以楚千里而遙也今之請數有剪三分之一矣而奴之地有楚三之一乎據其取足者似乎善用多者而無用多之才據其臨陣

者或一百或二百似乎善用少而無用少之妙如此處分臣殆不能解者其無謀八也請兵請餉分因應然而動爲要挾之詞曰要遼不要有如我

皇上試問之曰錫爾上方假借八百萬金錢四方召募此何爲者而曰要遼不要此其欺君一也遼左道將亦極一時之選而足已自賢不能川也乃勅曰遼陽止兩監軍也豈兩監軍之外皆土木偶人乎此其欺君二也兵未足而言紙上之兵兵將足則言無用之兵

皇上試問熊廷弼豈欲得神兵而川之乎此其欺君者三也廷弼自謂勞苦而功高願廷臣恐其不能罪事也語

之亦以爲國也何以介介不能忘也。總照得廷弼昔暴而自用聞而寡謀實無濟國之才而有上人之氣。乘遼事之
貼危。偃蹇自肆。因人情之擁戴。顧忌全無。始以虛名自誤。
不過螳臂專車。既知綿力難前。遂欲蟬飛脫殼。跡其誕謾。
欺君無人臣禮。窮極海內。非社稷木。一籌莫展。非疆場寄。
鼯鼠之技已窮。黔驢之威奚用。臣竊謂廷弼不罷。遼之存
亡未可知也。惟

皇上持臣此章。亟下閣部九卿科道會議。如以爲廷弼之
才可用。請連名列保。功當同賞。臣非受妄言之罪。如其不
然。亦宜早自處分。或令回籍。或令聽勘。急簡才望之臣。星

夜往代、一面知會道將、整衆待敵、庶不爲地方憂也、不然、止爲廷弼惜、不爲朝廷惜、止避阻撓之名、不顧復敗之禍、八百萬之脂膏、豈堪再剝、十八萬之貳貅、何時取盈、中外俱困、大盜乘虛、無何遼東之歌、且再作、而李密楊玄、或乘其後矣、臣憂國心殷、不知時忌、保救殘遼、事宜如此、惟

聖明裁察、奉

聖旨、着九卿科道會議具奏、

此疏首條論取禾若果如此、又一遼民之酋奴也、第門修築此必不可緩、且使軍士習勞、卽是訓練之法、至若

敢君三條、思

下得其情、

經略熊廷弼乞

賜罷斥勘問疏曰頃臺省諸臣顧慥等交章論職職病甚有應有不應而臺臣馮三元辨言欺君庸才悞國一疏數職入無謀三欺君之罪云不罷職而遼之存亡未可知也是職留而遼必亡職罷而遼必存計朝廷之上急急欲存遼必急急議罷職而不待言矣惟是無謀之罪職願承欺君之罪職不敢承請姑辨一言而毋與職怒人不怒虜也去秋開缺委弃糧苗田禾職抵遼陽即行各總兵卒收割如不能則焚之又遣中軍官往諭數次而總兵李如楨李光榮賀世賢柴國柱等竟不欲往職爲此憤恨屢見之疏牘而馮三元未及見也謂職無謀職當承石碾研起火

星、延燒火藥、謂職無謀、職當承。六月陷開原、七月陷鉄嶺、八月陷屯關、職以是月至遼陽、牌行開原、道韓原善駐瀋、彈壓、屢夾按院道屬、職勿令行、北關報至、藩官軍一呼而散、亟遣分守道閻鳴太往撫之、至虎皮駟、大哭而返、是時止此兩道、而馮三元言道、臣欲以一二萬衆應援金台、而職不能用也、不知道臣屬誰、況職以初三日到遼、二十一日北關陷、無論此時無兵、兵即有而相去五百餘里、應援何能猝到、且鉄嶺不能援、而侈言援北關、此道臣欺三元者過也、謂職無謀、職當承、修守開原、是要着、任諸臣千言萬語、職所爲不錯、然所役軍皆其守城不能戰者、如柴賀

李三帥人馬實未做王即貼修潘奉亦其步軍乃各帥自
爲營盤戰守計非軍自做而誰與做若云不惟敵自求而
守之專事則令箭之推馬上之推亦惟敵是求矣謂職無
謀職當承潘陽王大人之役實係堵截徒以無斬獲功証
爲獎借語然以數萬賊平平妥妥而去亦是難事若吹索
太過必盡失監軍道與總兵將官心謂職無謀職當承近
邊五六十里之野不必待職清自清撫陷後所在檢拾而
賊爲我清久矣遼人與賊習除稍能過活者盡搬移外惟
一二無依窮民仍依舊巢抵死不丟曰我搬在別處無過
活亦死在此亦死賊來且隨之而去即屢清之而不得也

謂職無謀、職當承、贊畫新兵、欲回家過年、一日而逃二千
人、王平胡國臣所領新兵、乃贊畫疏稱練成一枝勁兵、爲
高麗奴酋所驚畏者、王平統兵一千七百餘兵、自言挑選
可得五百人、像一當軍模樣、胡國臣步兵二千、扎營開江
潮聲作賊至、而奔潰、微三元言、而職不知違人可用也、東
山參礦徒、趨利則有、應兵則無人、去冬已牌行劉國縉及
原任推官陳光祚、給與游都備中千把扎付張紹募一衆
往返三月、僅抄一沿門冊回報、而竟不見團練一人、何故
微三元言、而職不知礦兵可用也、謂職無謀、職當承、職不
識秦楚事、且聞近年征倭、征播、用兵幾何、查平播、用兵二

十餘萬人今奴酋視據何勢何地而評職用多也謂職無謀職當承五月間兩監軍道一駐瀋陽一往奉集按臣又因職請往蓋套推糧獨職一人卧病遼人屢推合救遼之命不請問

朝廷要遼東否情出危迫豈敢要挾無人臣禮而謂職欺君不敢承也遼道自八月以前實止監軍兩道且各有分駐亦不得一時嘗聚海蓋道以一人而辦百萬餉運寧前道以一人而辦造船鑄錢諸務馮三元不欲聽職自裁請去職以存遼而各部大老欲聽職自裁姑留職以亡遼也豈可哉伏乞

皇上將職罷斥行勘、丞簡才望、大臣星夜前來代職、已不能批發文移、惟一面知會、將整衆待敵、如馮三元所云保救殘遼、急宜如此、而不必遲回須臾者也。

經略熊廷弼奏曰、頃接邸報、見閱視科臣姚宗文遼左疆土日蹙、失事再勘、非宜、一疏內言花嶺山城邊事、臣查參不宜與按臣疏爭多寡、特爲六月十二日王大人屯邊事、不勝後慮、借駁山城之案、以成此番敘功之舉、而復薄責經略、溺職數端、欲臣惕然悟、奮然改圖也、其設心甚厚、而中外之人、亦早知閣臣欲借事陳言之日久、而今始得聞其讜論也、花嶺之役、臣初行牌嚴查、據帶營分守道事監

軍道邢慎言詳報殺擄人數在該屯住民走脫回鄉及尤
世功等所報皆有姓名而數目則少在理刑同知日日乾
當日所報却無姓名而數目則多該道仍隨詳具稟花翎
一事刑廳粗報過以未確駁回嗣刑廳詳上人無姓名詞
多約略具稟云職前已報過不敢二三其說信如斯言是
徒欲照管前報而不問虛實何以服人時按臣據此查叅
而臣猶駁批仍委冒同知親詣失事地方挨查某處實有
幾家家有幾人是老是幼是男是婦一一開具姓名併地
方速行覆報此正求的確以杜隱匿非爭損失多寡也東
邊近賊數十里村屯殘破人民逃竄自三路失事已來屢

疏上 聞至今日而旋復生聚遼中邊事雖憑道驛開報然。而道驛誰履其地第憑衙役視賄增減情實有何的確。昔臣按遼時凡勘邊事皆處處親到曾託監軍道與按臣言臣亦親與按臣言而臣扶病看邊之疏又曾言之地方之事若不眼到脚到無以知村屯之有無定捨奪之多寡。欲約按臣躬巡藩奉一帶邊地大家身親目見好得商量。查勘功罪以察欺隱正爲此而發假使臣欲隱方以按院不出門爲幸何肯勸令親往查勘至于六月十二日之邊事按臣查之極嚴監軍道當之極力臣稟職及回按臣稟帖在冗長不便入疏另爲發抄與中外共見之往各道勘

邊事坐家懸擬。今邢慎言在瀋，親見過庫爲諸將忿激稱枉，或亦有可信者。時道詳及督撫移書，皆謂此番當敘錄以示鼓舞。臣疏猶云：不勝罪愧，而但以配時勢而用權機一句結案，未嘗借駁山城之案爲敘功之舉也。本無後慮，而閱臣代爲臣慮，亦過用其心矣。至于兵馬不訓練，將領不部署，人心不附，職工作無時而已。刑威有時而窮，廢辭力而雄，獨知獨賢不足以圖大功，濟大事。此臣種種不職罪狀。閱臣吹求已深，傳播已廣，猶不盡言以傷雅道。臣極感服。但閱臣凡七閱月，臣曾屢書言河東兵馬召募之虛冒，殘兵之零落，援兵之孱弱，器械之敝耗，馬匹之瘦損，糧

草之匪乏將帥之匪怯道聽之情竅皆賴查閱以新一番氣象催請早過遼陽料理助臣所不逮顧僅以一日教場一日虎皮駟完主客十萬兵馬下操之套數臣不勝失望計住遼陽城僅十八日其隨從皆畏賊旦夕至匆匆西去而此後皆海上遨遊賦詩晏會之日恐于臣之訓練部署附職工作刑威等項有所不盡知也至于道鎮文武吏士經年異勞異苦不行薦舉使不與被論之知州都司經歷三四查盤官等而自謂上不欺君父下不悞天下蒼生則信乎其不欺不悞矣臣待罪年餘千危萬苦半塊殘土亡而復存本無東隅之失何待桑榆之收今已久病矣明俟

聖慈放斥外惟是花嶺王大人屯兩起邊事有無欺蔽以
開將領隱蔽之門皆監軍道那慎言奏詳報前疏專行巡
按御史勘議此是從來法體昨部復會同經略再勘悞也
伏乞

皇上俯垂鑒察速賜敕下兵部復請行監軍御史查那
慎言花嶺續詳王大人屯稟揭事情親往失事地方逐家
一一挨查以定尤世功等之罪此必待再勘而後明者也
况臣病軀萬分沉重欲擬第三疏懇求允放不糾奴首
韃賊復來犯捨只得扶病料理萬望

皇上速推經略前來代臣庶邊事無悞而臣亦得骸骨歸

鄉矣。

江西大水

公評

十七日辛卯科臣楊漣奏曰頃見遼左村屯日劫人民日擄城堡日空邊疆日壞若經略熊廷弼始不能已于人言矣議經略者終難抹殺其功憐經略者亦難掩飭其咎功在支撐辛苦得二載之倖安咎在積衰難振悵萬全之無策此臣所以不能爲廷弼諱也爲廷弼者有二策焉思九重之寵賚必不可負三軍之仰望必不可孤則當廣收群策勉圖後功即萬矢攢胸吾目不瞬全副精力誓當報國以報君父知遇之恩是一策也如或以敗壞之對疆必

不可支困憊之病軀必不可起則當繳還

上方席藁待罪求賢速代請

肯上裁祇念封疆絕不顧自家聲名爵祿是又一策也總之邊警日聞人口屢至剛烈男子一刀兩斷斷不宜倣近來頑鈍行徑既不認倣又不肯去使麻木之症遺之

國家至于廟堂之上亦當焦思遠計博採群謀大家悉

心斟酌外科敵內科已尋一得當之着或循資或破格擇一得當之人寧議之而後用毋用之而後議寧儲人以待用無臨用而尋人既得其人則當如唐臣陸贄所言令其自揣可否自陳規模須某色甲兵籍某人叅佐要若干士

馬用若干資糧置營伍某時成績始終要領悉裨經綸無從中制其謀無得旁掣其肘而且亟正喪師辱國之罪以儆後來之心東事其有瘳乎不然而漠不關心悠悠泛泛今日議明日勘至于商量停當遼陽已了當矣臣以忠急廟堂不避煩瀆不避刀俎統惟

聖明採擇若夫兵馬倥偬人心危疑暢然發威靈查核軍實監軍御史極是緊要遼東按臣張銓人望夙歸題差已久此何等時也不是從容省家之日都察院急移咨馬上督催到任可矣亦惟我

皇上一併敕下施行

楊漣奏報夷情事臣于本月十四日接得遼東總兵李光榮塘報內稱本月初八日巳時韃賊不知其數從會安堡連刀灣進入深至瀋陽城北瀋陽游擊馮大梁火牌報稱初八日卯時東夷大虜自蒲河北地方深至大鶴等臺隨將原設撥夜趕散各營主客將官復發夜探至坡下臺被精兵數千起至城北三里橋方止榆林舖等處精兵無數兵分兩路深入瀋陽存亡旦夕莫必經略熊廷弼或能力抗強虜保全孤城亦未可知萬一以積怯之勢當方張之虜屢被人言方寸且亂將士驕頑威令難行不幸瀋陽失守則遼陽危遼陽危則廣寧山海以西皆震驚矣斯時精

奏

銳旣盡、心膽俱寒、一路備禦全空、手足莫措、誰爲

皇上共護此封疆者、本兵黃嘉善急宜一面挑選通州練
兵、保定募兵、及京營兵合萬餘人、厚其糧餉、激以忠義、諒
一智勇大將統領令之、策應山海關、一以壯遼左聲援、一
以爲神京捍蔽、此在今日不容再計之着、仍乞

勅下吏部集九卿科道會議作、速擬備堪任經略一二人、
而諭推左右司馬一人共從長計、禦虜援遼、作何方略、諸
臣無得仍前悠悠泛泛、號之不應、必至斷送封疆而後已
也、本兵黃嘉善主領中樞、一籌莫展、誤封疆、誤宗社、以誤
陛下容職、另疏上請誅斥、職無任激切悚惶待命之至、奉

八大罪既
知使人欲
亂林不得
換解不得
如此論人
論事必心
井服

聖旨遼警甚急、這選禁兵將着兵部作速料理、堪任經略
與添設兵部侍郎吏部即會議來具奏

兵科楊璉勅本兵黃嘉善跪曰臣觀自古國家常以醜虜
外侵邊疆禍結因之海內騷然故王者必嚴軍旅而統之
大司馬以內贊廟謨外資籌策無事爲徹子之謀有事爲
緝焚之策及其不效則束身待罪力求誅斥未有庸鄙陋
劣如本兵黃嘉善者久歷邊疆止用虛冒軟熟以至今官
方其被命偃卧家園不肯乞休人言叢指僉謂不處不活
之人決無入主中樞之理乃竟蒙而而入長安既已受事
則邊腹皆其身上事况遼左關係甚重豈宜悠忽當樞如

度楊鎬之不能任經略、則宜請換度李如栢之不能任大將、則宜請換、不然而度鎬栢之必敗遼東、則宜嚴戒甲兵、以備應援、而茫然無主、洞過半年、與輔臣熱心封拜孟浪作馬上督戰之事、因至三路敗衄、假非

社稷有靈、虜馬長驅、此時山海都城、守備空無一設、試問長安一片地、加善當收拾何所、此其籌敵之不審、因之震傲

宗社一大罪也、清河撫順俱沒、是何等時、大將提兵重出、是何等事、而李如栢酒肉之徒、儼然登壇、一入遼而開原、鐵嶺、州、繼陷、次乃、拾宰寨之殘殺、遽然上首功、以欺

神宗當時將遼用遼人實誰主持倘非舉朝力爭而如偵
又敘功矣此其用將之非人以致重城失守二大罪也二
帥既歸即宜上疏力請正法而聽其見朝聽其正本作爲
不知者表裏爲奸盜鈴掩耳其意不過曰兩帥之罪正而
馬上差人之罪與以遼人將遼之罪併發耳蓋旣欺

神宗又欺

先帝若非

皇上英斷舉朝公憤而二帥且將燃灰灰驕白日矣從此
邊臣更復何所顧忌此又嘉善之比周爲黨大罪三也
募民兵所過州縣剽掠公行其赴通州就練者安家之外

又索安家二年之外、且許歸省、夫此兵既不援遼、又不守城、而主客分轄、亦泛泛無着落、夫結問問如許愁怨、費皇上如許金錢、僅成人情河上之逍遙、是何法紀制馭、此爲撼搖邦本、兒戲軍機、大罪四也、士兵各邊之調、誠非得已、而中明約束、此本兵事、乃各處逃兵、僅逃之咫尺都門、明是犒賞之不時、鼓勵之無法、若使犒賞以時、又力誅一二首逃將領以儆之、豈其無忌至此、而今逃兵且公然拒捕殺人矣、譬之人家、今日走一僕、明日走一僕、而家長不問、恐主人有事、無難掉臂而去之矣、是嘉善之怠玩、九邊取笑四夷、大罪五也、至于推升將領、或視賄之多寡爲官

之大小或視情面之大小爲官之冷熱兩年以來庸劣被
叅之債帥是錢神夜半之奧援而報

國有心忠勇素著者反不得收其一臂之用是嘉善之大
啓倖端日蠹邊事大罪六也先是楊應聘至京奉

旨署印嘉善鬱鬱不得志及應聘病歿貽地自喜故祁光
宗推已一年不聞一疏推其到任張鶴鳴命下累月亦不
聞一疏速之來從事立心如此又安望其主持少司馬之
公論乎是嘉善之媚嫉妨賢大罪七也最可厭者總權不
已託之守禮低眉內閣仰息中官見人言難防則曰畏切
責以逃之切責之謀旣窮又詭託

溫旨以掄之近又將借名

願命大臣希圖牢定脚根不動矣班行首玷人或比之于
象謂其昂然大物日但食廩侍班好看而他事事可憎是
嘉善之戀位怙權遺辱中樞大罪八也至于

皇祖彌留之際召見閣部大臣嘉善親于榻前奏曰遼東
事

皇上放心臣雖不才不敢不竭力爲

皇上分憂今既兩月矣曾練一兵簡一將乎畫一謀乎遼
東之警報日聞而制勝設防者未見分憂之言在耳而所
竭力者安在幾年悞

皇祖之疆場而又終之以面欺背棄嘉善亦有何面目以見

皇祖之臣子乎哉嘉善之被論杜門屢矣當事大臣或以顧樞無人或以攀人遮面每每徇禮擬

旨慰留此于嘉善之挨取封廕得矣而不能幹旋安攘一事試問

國家有限封疆能當得幾個遼東敗壞乎而有限之財賦能再得一起徵訓十八萬乎能再當得一年加派八百萬乎而各邊虜武備弛內地民窮盜起不急圖改人更理又能當得本兵再饒倖乎今

聖主維新邊事。勅令會議撫將士經略諸事。而居中調度者。猶令頑冥懸位之人。占住不休。即日更經更撫。恐亦無益于成敗之數也。故敢明目張膽。列其罪狀。伏乞

皇上將職疏及以前諸臣論列嘉善之疏。一併敕下九卿科道會議。

皇上大奮乾斷。輕則除削。重則誅殛。一面簡令別部大臣代署。一面推兩部侍郎前來料理。庶幾雷霆一震。人情知奮。邊事尚有可爲。而在兵言兵。亦微臣以忠先帝而報

皇上之職分也。

十九日癸巳南京太常寺少卿曹珍奏曰

先帝春秋鼎盛即涉勞勩何得三十日間便已殂落道路
沸傳皆知爲奸黨陰謀醫藥雜進伏思二十年來忠臣義
士受杖受謫以爭冊立者正以

先帝故耳此屬久蓄逆志必有一舉實不意其猝遽之中
敢以陰蝕之計復爲醫藥所傷而身輒一證遂不可起
陛下以

先帝之愛子亦未一問

先帝垂歿之事以報

先帝地下之恨豈謂三十日之崩真爲宿證真爲哀毀所

致乎。蓋事理不惟當衡輕重。尤當衡久生。尤當衡以
天子三十日忽焉之變。若以

先朝恩幸猶存。內庭處分不易。則本朝忠厚之法情。
理之用。當自有在。如既露之情狀。可竟掩乎。作姦之爪牙。
可竟不問乎。若以宮庭御幸。不必深言。恐此輩預料今
日不發。而竊幸其風昔之陰謀。則此輩何幸。而

先帝何不幸也。今衆口譁傳。流布已遍。筆誅口議。天下應
有耆之者。而獨不能得乎

明廷之上。法宮之中。使事有必行。姦有必戮。卧逆黨于
近。悞而不復慮。有後患。趙盾不討賊。春秋書之。曰趙盾弑

其君正坐一念容養遂成弑逆豈必在多

陛下親見

先帝匝月之間有此變異直以爲尋常安之誰實誤

陛下至此者先是

御批李可灼崔文昇用藥一節既曰疎失敬愼即不應曰但亦愛君之心又

先帝身輒一證是否青宮宿疾至于查明藥方有無違

錯臣謂止應查明文昇投藥是否有意不應復問其有無

違錯此自文昇不必言之罪也蓋天下之弑机匿于無形有非而非鴆戕而非外者

先帝卒崩之變當與先年挺擊青宮同一姦謀

先帝之升遐一日不明則內庭之姦謀一日不破則

聖躬之安危安能盡保伏乞

皇上明詔輔臣嚴查

先帝登極三日爲何惟此異證僅三十日爲何竟至崩逝
不得以含糊結局

二十一日陝西撫臣李起元河清疏曰恭照人主之德上
通于天主德休明則天心降康而禎祥應之景星出慶雲
見黃河清考之紀載河必千百年而始一清至聖之主不

世出濁流之清不常見以故河清難俟人有恒言海不揚波越裳黃耆以占中國之有聖非偶而已我

皇上登臨寶位發帑賑邊止稅撤監簡大僚下考選起廢棄允枚上停織造通章奏與海內更始善繼善述追三並五故天心效順河伯效靈徹底澄清上下數十里無際而至三日舉千百年所僅僅見于我

皇上臨御之初蓋太平之上瑞至治之休徵而

聖作之顯應也

八月十五日臨鞏蘭州之間巳時見河流上泛白至中時徹底澄清上下數十里一望無際至本月十七日未時照舊濁流共清三日時臨鞏道與內詳郎中黃泰親詣河橋目視

事無遺
則弄文墨
而已

前朝行傳

卷之十

李

二十二日丙申御史張修德糾經略熊廷弼疏曰昔諸葛武侯之在蜀也曰鞠躬盡瘁死而後已切怪武侯寧靜澹泊人耳何戀戀于漢而必欲歿之及觀出師表乃知武侯受先帝付託欲報之後主也五月渡瀘深入不毛六出祁山星殞原野而亮果死矣古大臣受國隆重不肯欠人一歿如是今熊廷弼一荆南書生聽勘御史耳其先世非有剖符分壤之功又非有戚畹肺腑之親

皇祖因東事不靖起之田間不三月而授之經略畀之司馬是何等尊崇天下勁兵良將任其調取

國家正賦加派一切金錢任其浪費且皇皇尚方

敕賜軍門大將以下任其殺戮是何等委任內庫蓄積內
府珍幣大臣所不能得者任其領受是何等恩賚廷弼試
思自古人臣遭國多難受國隆重與廷弼有二乎吾意廷
弼于此時上之當縛名王擒貴人以長纓繫奴酋之頸于
闕下次則斬將塞旗設奇制勝又次則勵兵秣馬選將練
兵過門庭之寇于方張爲國家保境安民乃無何而村
落搶矣屯堡破矣虜酋一入殺掠不相當矣乃人言嘖嘖
曉曉強口臣就曰遣將而中制者敗從古所忌且英雄舉
事不肯俛首下氣使刀筆吏弄其文墨姑且聽之乃未幾
而供路失矣蒲河又見告矣胡人飲馬瀋陽而遼陽一片

上將拱手而付之虜手矣。弼乃惶惶欲養病也。淮陰侯曰：食人之食，事人之事，衣人之衣，懷人之憂，廷弼受

國隆重，作幾許威稜。今一旦抱頭鼠竄，效童貫之太原乎？且弼喪盡遼人生齒，竭盡天下財力，今顧欲遺之他人，從何處下手？則惟

御駕親征可乎？嗟嗟！昔耿弇不欲以賊虜遺之君父，弼乃破壞遼陽而遺之

君父耶？且遼亡則

陛下將無處着雙足。大河迤北，孰非戰場？真可痛哭流涕也。昨見科臣之疏曰：廷弼當以全付精力，誓死報

國彼知其必不肯死。又曰：席衆待罪，求賢速代。彼知其必欲求代，特爲其開一面之網耳。又曰：終難抹殺其功，夫廷弼罪則有矣，亦何功之有？廷弼之功，正所謂羞居焉前耻居李後也。廷弼歸而出，其橐金買好田園，屯歌兒舞女，儘可自娛。如國事何如？

主上何荆南父老，或憐而望之，但不知廷弼何面目入關耳。叅看得經略熊廷弼市奸，全無統衆禦侮之才，徒有報復凌人之氣。內恃與援，聞人言迭出，則眉目張天，外懼奴酋聽胡馬驕嘶，則肝胆墮地。凡崇位隆恩，攘爲已有，將敗着殘局遺之何人？縱逃斧鉞之典，宜加貶竄之刑，乞

言無可奈
何則何爲
責人太前

敕九卿科道會議將廷弼褫其衣冠竄貶遐方急擇賢者
往代如付託得人亦須收得一半倘再不得人亦付之無
可奈何矣職無任激切待命之至

經略熊廷弼求勘疏曰自

神宗顯皇帝以半庭已壞旦夕待亡之遼交付臣手保全
至今

天地祖宗在上文武軍民在下臣似有勞不知有罪頃臺
臣張修德論臣罪應貶竄遐方此時天理不在人心有罪
無罪一任橫詆但謂職以破壞之遼遺之他人他人從何
下手又謂付託得人亦須收得一半倘再不得人亦付之

無可奈何、修德伏一破壞之案、以俟日後、成則惟他人功、敗則惟臣罪、而計之過早也、去年開鉄連陷、大小各衙門相向而哭、共卜所往、而今且冠履雍容、公私燕語、儼然漢官威儀也、

皇上試問修德遼破壞否、沈怡請濬空城而逃、無論也、遼陽人北城奔南城、南城奔各門、或顛倒衣裳、或棄置妻子、以先逃去爲幸、而今且去者歸、散者聚、嬉嬉然室家相樂也、商賈逃難回籍者、今且填街塞巷、不減五都之市、

皇上試問修德遼破壞否、遼城非常破碎、士民知不可守、而謀欲先去、賊亦知不可守、而謀欲速來、今內外鞏固壯

哉一金城湯池也。即瀋奉向爲人跡所不到，而今亦修守之固，官吏商民晝夜通行，如腹裏也。

皇上試問修德遼破壞否？去年無車牛脚夫運糧，自臣與各道處辦木地牛至三萬餘，車至二萬輛，晝夜攢運，而軍中始有粮草。三路之後，軍無片甲，手無寸鉄，臣討庫局甲仗多不可用，復調宣大各匠役改造，又增造大砲數千，鎗砲一二萬計，而軍中始漸有器械。採桑削鋒，買角易筋，調各鎮弓箭匠，晝夜製造，而軍中始有弓矢。又調各鎮木匠旋造雙輪戰車五千輛，每車安滅虜砲二位，或三位，以至火箭火輪之類，無所不備，而軍事始有攻守具也。

皇上試問修德遼破壞否、自斬貪懦三將、而將知畏、斬逃
叛數卒、而卒知懼、不時捆責、不喂馬、不操軍者、而營伍知
收拾、寒夜有賞、久戍有賞、時節有賞、而軍士知鼓舞、犒以
牛酒、勞以燒割、給以紗羅、獎以花紅、而將帥知感激、亦無
不人人盡心整頓圖一了事、以歸鄉里也。

皇上試問修德遼破壞否、去年西虜、住我洮怡、弃地、日肆
刼奪、自丁字泊斬捕以來、再從陣擒活虜、送撫臣、轉發炒
花諸營、証其犯關、又招撫煖酋二十四營首、長勇堡僅特
開市賞各就戎索、年來河東秋毫無犯、而東西合犯之報
亦數月希聞、臣自有法、姚宗文送四千金之後、正無煩修

德再陳以夷攻夷之策多送數萬金爲閭臣續貂也

皇上試問修德遼攻壞否自守瀋奉各戍重兵賊遂爲我所緩悉衆與我對壘不敢西窺遼陽南窺南衛東窺寬綏至于近邊零落村屯勢自不能無搶掠我固無如賊何時而形格勢禁賊亦無如我何時也

皇上試問修德遼破壞否去年破壞纔是破壞臣從何下手處以至今日規模粗定自足爲他人下手修德何須爲人代愁而至于痛哭流涕謂臣歸而出其囊中金也金從何入謂職內恃輿援也而臣生平孤介謂臣聽胡馬騶嘶肝胆墮地也而冒險往撫順寬綏擐甲冲賊圍援瀋陽者

獨何人斯、修德有耳、有目、終當自曉、惟是臣以積勞積苦、自五月二十一日、發病吐血、虛危沉篤、七月初始請告、非因人言也、遼陽莫危于去秋、入九月、今年四五月、臣已撐過、此後局勢已定、漸進漸逼、自是困賊、無奈內二豎入臣咽喉、掣臣手足、死不得、活不得、活雖欲、不負

附言言與國部諸人

先帝之厚恩而去、亦何可得、修德不欲臣養病去、而欲臣貶竄去、則貶竄之耳、何必矢口矢人、遽傷雅道哉、頃臣遺閣臣姚宗文書、報朝廷而為之消亡其大半、遼已轉危而致安、弼且之生而致死、

天地鬼神、實共鑒鑒、即為公所抹殺、而一段勞苦公案、自

有遼水遼山在此實錄也無端結黨傾陷抹殺公論臣蒙
罪去輔臣票擬定爲衆口所挾惟乞

皇上電斷將職罷斥即

勅臺臣馮三元張修德立限往遼查勘遼事有無破壞使
天下人曉然知臣罪之所在而不當爲後人代受其過病
矣

詞臣張謩陳十事養身養性勤學敬天法祖親賢納諫信
令恤民持體

二十四日戊戌赤氣亘天

占曰臣叛國亂大將去又曰天
下大旱又曰倭臣在側屬鄭分

二十五日巳亥御史萬崇德奏議遼餉曰先是

皇祖軫遼事之苦頒銀三十萬聽經臣犒勞此賞也非餉也戶部不得而混也嗣是

先帝復軫九邊之苦頒銀一百萬兩分三十萬聽經臣犒勞此賞也非餉也戶部亦不得而混奪者也

敕諭詳切者無抵餉一字

諭閣臣令旨云今因遼餉闕乏特發帑銀一百萬兩與戶部充餉別部不得分用卿可傳示該部差文武官各一員星夜解赴遼陽犒賞用示鼓舞接濟軍需即開寫職名來看又

令旨今日一百萬兩與戶部充餉別部不得分用差文武
官各一員星夜解赴遼陽交與熊廷弼酌量犒賞均需實
惠作速具本來奏并前發一百萬兩解九邊兩項共給脚
價銀五千兩不許騷擾馴遞銀不許到太倉差官即發後
復傳

三旨諄諄速解雖云發付遼東經臣酌量犒賞其實不離
前旨之意也惟前後詞語稍覺參差舉朝欣欣相告面
面相覩無不喜其沛發大賚而疑其粘帶不明者于是有
停徵加派之議有俱作正餉之議紛紛未定戶部商酌數
日乃定四六之分今不謂其併前六十萬亦欲而分之也

大計臣耻錙壘之不繼抵一分自幸免眼前一分之愁眉
孰知悞一番反貽日後一番之爭執此二百萬兩自應任
經臣酌量犒賞者戶部定不得執此爲犒賞也若特發遼
東一百萬兩既有闕餉充餉之 旨不妨作四分六分之
用况合前六十萬與今分四十萬已一百萬矣即霜露鋒
鏑之卒飢寒死亡之輩優恤之格謹不嫌于過厚然賞濫
則易置匱則不可爲久酌量分別經臣饒足以辦獨六十
萬之抵餉業經奉 旨揆之情理不得不然經臣亦不可
槩執之爲賞資也且經臣念戶部支撐之難力拒道將之
請增慨然湊給以發月餉戶部獨不念經臣疆場之委曲

接濟俾之饒足沛然急解以充額數乎但六十萬之不當分而故分一百萬之當分而不欲分部臣經臣各執所見殊失其平職謂其當兩酌焉今我

聖天子繼離出震不殖貨財軫遼發帑豈其獨後于

先帝加派停徵行且有日所患非餉獨不得有功者而賞之夫遼左勇將如雲猛士如雨訓練日久心胆激烈其中豈無設奇制勝而繫奴酋之頸于

半是調停
半是激發

闕下者有之百爾臣工何難合請封爵勞金百萬以酬殊勲不然而能生擒李永芳及諸頭目者亦勞以數十萬金官職隨其功之大小而給之不然恢復陷地爵賞亦自不

薄。不然。而虜至堵禦得定。當與攻城掠地。封賞亦宜竟從上格。有功有賞。而人知奮。無功無賞。而人知恥。鼓舞之法。旣明。慰勞之典。自當計一百萬不足當一日論功之需。職願經臣之更有進。于是焉。職雖非餉役。事休相關。讀經臣抵餉之疏。義不容無一言。以指其互執之端。伏祈

聖明垂察。如果臣言不謬速

救。戶部扣筭六十萬。抵餉之外。亟亟多發。無致闕乏。寧有餘以果三軍之腹。無不足以失三軍之望。仍

諭經臣將六十萬抵餉之銀。通發濟急。如欲充實。另行造冊。上請。庶于共濟之中。不失同心之誼。而遼事國事。皆

賴之矣。

御史賈繼春上書輔臣。

賈繼春致三閣下揭為聖明如日方升皇仁與天

原全不誤侍

無怪懇乞願命輔臣思

先帝堯凡之禍回蕭牆向隅之生以勿損

皇上盛德勿得罪于天下萬世事竊照天地之大德曰

生帝王之立極曰孝故親親而仁民仁民而愛物此從

源以迄流也天下之本在國國之本在家此從枝以及

根也天經地義古今無改木有常

新君御極之初首勤主上以違忤

先帝通逐庶母喪哀交構羅織不休如李選侍之事

首其慘黯光景職不忍言惟是通國之人痛心疾首長

嘆順法而願命輔臣漠然不與維持無論青史遺穢

竊恐皇上天縱聖明一朝悔悟輔臣其作何顏面作何肝

膈先帝命諸臣輔皇上為堯舜夫堯舜之道孝弟而已矣今若此直可謂

爲堯爲舜之第一義矣。曾皙嗜羊棗，而曾子不忍食羊棗，父有愛妾，其子終身敬之不忘。今若此，真可謂之不忍不忘矣。昔

孝宗皇帝之于昭德宮萬貴妃也，人言嘖嘖，付之不聞。我

先帝之于鄭貴妃也，三十餘年，天下所共側目之際，而但以篤念

皇祖竟渙然水釋也。此是何等忠厚，何等盛美，何不補

皇上取法，而乃作法于涼乎？縱云選侍原非淑德，原

有宿憾，而婦人女子之常態，獨不能看先帝親留之日，親

何諸臣諫以選侍曾產數胎，育有幼女，歡欣情事，草木感傳，而况我輩臣子乎？受

先帝多少宏恩，而玉體不安，遂不能保一愛姬乎？職久

欲上疏廷爭，但以新進小臣，絀口恐泣，至今而不得不

望閣下之匡維也。但願閣下宛曲調護，極力回天，令

選侍得終天年，皇上垂芳萬載矣。職雖解盤據之勢，

手謹皇上垂芳萬載矣。職雖解盤據之勢，鼎鑊斧鑕，復何避

氣和論正
諸疏其及

二十六日庚子戶科王繼曾奉 旨會議經臣去留疏曰
臣惟兵革之事必所素習然太公諸葛亮皆儒者不聞在
渭濱草廬時有所嘗試而後出驅如林之旅稱節制之師
也此古聖賢不必論今日之議乃欲使書生坐帷幄之中
決勝千里之外耳非求斬將奪旗事也臣詢之朝論皆言
侍郎崔景榮張鶴鳴僉都御史袁應泰此三臣者皆可遠
用崔景榮則臣使西夏時見彼中人皆言景榮恩威素著
夷人信服鶴鳴在貴州時是亦慷慨似非畏兵者應泰見
以望推但更有言

陛下請救兵臣一人往詰廷弼令自密奏廷弼度能得將

士共滅賊否。度能使虜人犯無擄掠村屯。人戶不暴骨如莽。否則尤或可令佩劔印視事。李牧日費市租享士。虜人急收保。政不必速之使戰也。如廷弼自陳臣力竭矣。因言者志灰矣。終不能繫單于頸報。

陛下矣。則請令待罪關外。再簡一人馳往遼東。不妨錄其許國之胆。二載暴露之勞。萬有叵測。守國扞敵之臣。誠灰城廓封疆。廷弼當自裁也。蓋廷弼掛衆議有三。以嫚罵爲氣魄。將帥不爲用。不能成功。一。始初不能用遼人。客兵蹂躪遼地。遼人離心。不能成功。二。動天下兵。靡財浩費。所過騷擾。叛者姪切。而于山東最苦楚。緣之不能成功。三。且蒲

河虜入殺戮甚多，報至復言不然而今所欲議代諸臣，又皆與廷弼均未經摧鋒陷陣之事者，即或勝負不常，無以爲劫代毅括代頗佐廷弼長舌者乎？故臣以爲請寬廷弼罪，使自決如甘心謝事，席榮塞上者，奪其軍未晚矣。至如樞臣黃嘉善當去，三尺童子皆知其不能，輔臣留之何故？夫兩軍相攻，士馬物故，芻粟乏絕，即不宜抄傳天下，亦當密揭樞臣令得從中調度。臣詳遼左章奏，獨廷弼疏言十八萬兵，餘疏第言十餘萬衆，無敢指數者。廷弼旣目無加善嘉善，亦無能向廷弼置一喙矢一畫也。夫自古中外不和，調而可用兵者乎？而戰將之當博訪尤急。六曹諸大臣

多開府地方握兵符年所最深將才若干人豈無一二足智曉兵可使折冲者合各舉所知付幕府用大臣閤人多矣受

國深恩知薦文臣則薦無官之臣以市恩薦武臣則薦有錢之臣而納賄衆實有口大臣不敢爲也爲今之計請杖廷弼回奏身能破虜與否而後再計乞

俞允黃嘉善致仕再簡方略大臣握兵部下令大臣各舉舊時部曲堪爲戰將一二人應用議餉議轉運則戶部法儼其事尚可支臣愚不知兵謹具議上聞如此刑科叅失機功罪狀

不惟廉勇
更足謀智

何異秦檜

元渡師期

福導人陷

是條謀也

鐵案

恭看楊錦表師失地據法罪原難追而曉曉置辯曰未嘗私李如相也曰杜松故違節制也曰馬上督推不敢抗違也不思如相建旗專閫作遼東之大將平當時出師四路並進何不以大將當關而乃以清河與如相故令杜松出撫順耶在如相怯懦畏敵本無求戰之意以故再出輒逃而錦以令箭招之說者謂令箭先藏相身託之傳自于錦則錦之私庇如相甚明不然杜松輕進何不用一箭令退而獨于如相汲汲也杜松廉勇久著行陣有古名將風聞錦將出師杜松謂兵餉未充士氣不習將領未協不便大舉鏖食功自外用徑行不聽松乃密遣人進關投揭當裏冀緩其師而如相偵知令人于關外邀阻重責十棍致松謀不得行兵受其創見有松侄總兵杜文煥抱憤投揭可問即此舉動已含陷松之義矣乃警師時如相伴與松同拜送曰吾以頭功讓汝松言落落大天既信不疑而松亦不疑如相早已布置奸人爲松導誘其暗入奸徒蓋如相素所畏者松與劉綎也先得報告示遠悉其精銳潛伏撫順一路獨以當松松果爲鄉導所誘如相先逃望援不至遂碎首淪沒寸骨不存劉綎亦復血戰一時賊賊是松之夾蹙鑒與如相同謀誅陷壤此長殃爲異日衣戎之耻而乃

謂之生前
又欲汚之
死而何事
耶

明承春李
維翰前罪

曰三路之敗總由杜松故違節制耶在綱為北喪心之言計欲自脫而遂轉相流布不念其欲敵而沒其功也
威不暇日矣嚴請催戰固未
明肯閣下思將在軍君命有所不受乎假令當日抗言
天時人事未可決戰曰兵勢固之大事臣不敢以用
為試趙雲之失策耶主可與忠言斷不決裂如家
即不然而以抗違被逮不稍愈乎以朕明代奉耶竊
引魏學例何可相方寧夏之役學曾被逮繫而節制已
定幾何時即復數十餘城獻獻之日
皇祖諭之曰學曾固罪之罪實功之首至今稱誦乃竊
與達事竟何如也即令口如懸河其如法在不赦至李
如植與周永春失陷開原
明肯曰開原失陷撫臣責任封疆豈能無罪則其罪視
如植俱一休之人况達事未平有罪無功仍宜畢論其
罪而李維翰之于撫順紅旗摧殘總兵張永胤顧叩門
一見而議不得倉卒赴敵陷陣以夾誠可痛恨如李維
翰與周永春並難免首事同事之條但竊不可以之卸
已罪耳如柏雖先難經尚當免斬劉等若容免脫是謂
無刑况近日達事不戢總緣功罪混淆此案不早行究
擬用快家憤見有受事無功負國負恩妄殺逞威老師

生貴人心散失兵力空疲欲復與援抹殺公論惜口禍張飽頭鼠竄者何以處之三韓存亡九邊懲勸在此一舉道

明書而正國法法司自不敢妄畏調停厥生免矣明有所逃也抄出嚴之

二十七日辛丑御史左光斗上言先是本月初一日諸臣

聞變倉卒趨朝人情洶洶朝不待夕時大臣從乾清宮中

叩頭執奏懇

皇上出居慈慶宮臣等相顧戰慄此時不守几筵而避

居別殿踉蹌張惶宮中必有甚不相安之情聞不容緩

之勢驚問其故喧傳李選侍左右前後盡是腰玉好衣

布滿陰為人心腹

祖張日明之論

左光斗奏李選侍除

罪有否似雖深究

所以休先帝之愛

全皇上之仁

所善之術也

皇上大有戒心，不克寧處。

君父驚魂未定，臣子敢爾即安。臣于初二日，隨公疏，有恤守典禮，肅清宮禁一疏，詞甚微婉，但知安

宗廟，定社稷爲念，不知其他。初三日，宮中震怒，禍幾不測，賴

皇上保全，將臣疏發閣，臣票擬隨奉

聖旨，移宮已有旨了，各封事既云尊卑異稱，禮部再酌議具奏，欽此。欽遵。初五日，閣臣具揭再推奉

旨移宮，初六日，

皇上登極，駕還乾清宮，宮禁肅然，內外嚴謐，臣等舉手

以存大休
爲念便是
其忠其義

加額幸 廟社有靈夫

皇上既當還宮。則選侍之當移宮。明白易曉矣。惟是。自移宮之後。自當存以大體。捐其小過。皇上如天之度。宜無所不包涵。

先帝在天之遺愛。宜無所不體恤。此其特恩在。

聖衷調護在輔相。非小臣之能憶度。若復株連蔓引。使

宮闈不安。是即與國體不便亦大非臣等建言初心。昔

魯襄公不能制其母。宋儒朱熹以爲非不可制。當制其侍

御之人。後彭龜年經筵講此段公案。相與嘆服。因取朱熹

入直此等體制。自有情法。至當不易之則。聞錦衣勘問該

瑄時語及宮禁。槩置不問。深爲得體。乞

皇上宣召閣部九卿科道面諭。以當日避宮何故。及今日調護何方。一一曉諭明白。不得憑中使口傳。

聖旨仍乞將劉遜李進忠等正法。暴其盜寶罪狀。與天下共見。勿使播弄脫罪。其餘株連。槩從寬政。勿令反側不自安。庶幾燒梁獄之詞者。正以寢淮南之謀。而仁之至。義之盡者。胥在此矣。職區區之心。始終知有定。宗廟安社稷而已矣。

諭內閣。朕覽文書。見御史左光斗具奏。朕避宮之繇。朕昔幼冲時。

南朝傳信錄 卷之十一
皇考選侍李氏侍寵履行氣歐

聖母以致懷憤在心成疾崩逝使朕有冤難伸惟抱終天之痛前

皇考病篤閣部大臣俱進內問安有李選侍威挾朕躬使傳封皇后復用手推朕向大臣靦顏口傳至今尚含羞赧因避李氏毒惡心不自安暫居於慈慶宮李氏又差李進忠劉遜等傳每日章奏文書先來奏我看過方與朕覽仍卽日要垂簾聽政處分御史有言李氏他日必爲武氏之禍者朕思

祖宗家法甚嚴從來有此規制否朕今奉養李氏於職

宮月分年例供給錢糧俱仰遵

皇考遺愛無不體悉外廷誤聽李黨誣謗實未知朕心尊
敬李氏之不敢怠也其李進忠等田詔等皆係盜庫首犯
賊明証確自干憲典豈謂株連法當首論務將本犯與劉
遜姚進忠等以正國法勿使渠魁賄囑當事搆弄脫罪波
及無辜卿可傳示該部院遵行故諭

時大學士方從哲等具揭封進仍

諭李氏平昔過惡多端無曾盡悉朕意未伸人言不息昨
已傳諭明旨如何復行封進顯是推諉着遵旨即行發抄
咸使聞知

從哲等又具揭曰。選侍李氏。平昔怙寵張威得罪。聖母不惟。

聖心含冤抱痛。無以自伸。臣等聞之。亦不勝悲憤。但以事關宮闈。不宜輕洩於外。且。

皇上既仰體。

先帝遺愛。奉養不缺。尊敬有加。傳之外廷。誰不贊揚。聖孝似不宜又暴其過惡。以掩德意而滋多議也。臣等愚見如此。故一時未敢抄發。茲復蒙。

皇上而諭。且責臣等推諉。私衷不勝悚懼。除奉。

日編示諸臣。并發抄外。惟望。

皇上益宏 聖度無念舊惡始終看

先帝分上曲 賜保全 皇五子并 三位公主時時顧
念務令得所則孝慈兼盡

聖德彌光臣等大馬愛 主之忱亦藉此少伸矣又

諭朕覽卿等所奏其見忠愛至意朕知道了朕弟妹皆骨
肉至情豈不注意昨已有旨傳諭卿等

皇考選侍李氏業已移居於咸寧宮撫養所生朕八妹選
侍東李氏居最勤宮撫養皇五弟選侍傅氏居昭儉宮撫
養所生朕六妹七妹俱有隨從宮眷各衙門月分年例養
贍錢糧俱從優厚俾各得其所昭朕仰遵

皇考遺愛篤念親親之意特諭卿等知之

南御史王允成奏曰

陛下於移宮後發一

聖諭不過如常人表明心迹之意而宰相輒自封還夫封還詔書必其有關大利害大是非大典禮者也此則何所關耶司馬昭之心路人知之矣

經略熊廷弼乞罷疏曰遼師三路覆沒再陷開原職始驅羸卒數百人踉蹌出關至杏山而鉄嶺報失當是時河東士民謂遼必亡紛紛奪門而逃也文武官謂遼必亡各私備馬匹爲走計也各道謂遼必亡遣開原道韓原善分守

道聞鳴太什藩皆不行而鳴太且途哭而返河西謂遼必亡議增海州三岔河戍爲廣寧固門戶也關內謂遼必亡且留自備而不肯轉餉也通國謂遼必亡不欲發軍罷火藥而恐再爲寇資也大小各衙門謂遼必亡恐賊遂至京師而晝夜搬家眷以移也中外諸臣謂遼必亡不議守山海都門則議戍海州爲遼陽退步戍金伏爲山東塘牌也即奴賊謂遼必亡而日日報遼陽坐殿以建都也其間惶惶之狀不能以旦夕待而今何以轉亡爲存地方安堵舉朝帖席而卧也此必非不操練不部署不撫輯專事工作而尚威刑者所能致也職今請略言其狀向來地方操練

但合營裝塘冲打以完故事即將官教演亦但每軍面試一回不過三人而日已云暮乃職之操法則不然每令于城外各擇一區地方爲教場如管兵千人該四十隊每隊二十五人設一燕兒窩而五人于其下就本隊中擇善射者五人以一教四自卯至午如法教演日每百回七八十回乃已旗射鎗砲俱習乃令彼此主客互隊與逐隊熟而合之于總總與總隊熟而合之于營此總兵官逐日見行者職嘗謂督撫操軍不若以將官操軍又不若使軍自爲操人但見職不恒親下操又止監軍兩人刑憊言又以積勞成病止職與高出在城職又嘗外巡不能時時親下操

遂謂職不操練。如職不操練。則仕兵將何用。是必不圖爲
國滅賊。不圖性命歸家。而後可。此議起自去秋。職到任時。
見贊畫新兵無用。撥供採草挑礮等役。贊畫見其軍多逃。
遂言軍士做工。不得操練。以自支。而閔臣因爲之廣其傳。
以至于今。此兵馬不訓練之說也。西北兵馬。付柴國柱。賀
世賢。李懷信。守藩奉。川兵付陳策。防守扇皮駟。土兵不願
屬漢將。付高出。督理。同川兵貼防。山西兵付楊宗業。存城
操練。真保兵付劉孔胤。守遼城。毛兵與贊畫募兵。改付胡
嘉棟。防鎮江寬。變凡援兵。隨到隨發。可戰者發。戰可守者
發。守與地方酌量緩急。何曾一處一兵不調停。但如閔臣

與職書欲柴國柱守遼陽賀世賢退守南衛又向職言欲撤回柴賀李三帥防虎皮一帶當賊來路者而團聚遼地則議職圖退步及職守藩又議職爲賊添中大舖諸所謂部署而職不能從也此將領不部署之說也各道新升職僅與高邢兩道周旋一城相與如腹心手足此外則以運糧事催海蓋道班軍一二事駁寧前道定宜因公相諒至于總兵顛倒錯縱恩威不測謬謂駕馭頗得其宜惟贊畫與舊守道每爭牴牾門閥臣布散流言知與不知咸被煽惑此人心不附職之說也遼陽城池坍塌人皆知其難守紛紛私逃九門各設有官軍百人禁之如守牢獄自挑濠

築壩從七 工外引水以護其外、葺修理外城、自築梁口馬
道門關以固其內、遂撤門禁、恣人出入、向之私逃而去者、
無不人人回城、居住潘奉之間、向無一人敢往、亦因修築
完固、商民百貨、輻輳道途、日夜不絕、況城守不修、軍無倚
靠、那站立得住、如昨日潘城、爲數萬賊兵所逼、若非壕塼、
週備砲車、打退軍且怯亂、自奔何況百姓始信築城鑿池、
與民固守、孟氏自有正論、而城高池深、委而去之、說爲權
辭、不必引也、查閱臣初出、有修山海關之議、至遼有建敵
臺之議、事完條陳、有修潘河西之議、至于邊關牆臺、猶反
覆三致意、而獨于遼陽根本之地、不肯修築者、豈在已言

之則是在人爲之則非。抑亦阻職之爲。以幸其敗。蓄意誠不可測。此工作無時而已之說也。自斬貪懦陳倫劉遇節。王文鼎後。復拏問鎮江游擊戴光裕貪暴不法。細打送獄。而隨以病斃。其中軍千把總不驗喂。不操練。及印屯官之侵欺科索玩法害人者。不時處治。亦自法所不廢。至于軍士除賭博枷責。及逃軍境內捉獲者。止于細打發伍外。惟逃叛境外及境內剽劫者。則在必殺不宥。然他營亦少。舊開原遵募兵。皆關內多叛出邊外。一時陸續斬至十三餘人。近海蓋道。獲其逃于南衛劫盜人財者十二人。而職亦駢斬之。曾記一起十六人逃出邊。爲長勇堡李國臣追獲。

十四人而逸其二解到遼城該道同部道審明知于叛法
皆無赦戒押者留兩日勿投文欲于其中曲議一人處斬
見職講過然後解進不意職先令俱斬之而該道意不無
少望適當閱臣將到遼陽之時藉此紛紜移書長安挫惑
衆聽此刑威有時而窮之說也若乃廢群策群力而雄獨
智獨賢則何道何將之策之力廢而不用獨于閱臣所書
面商確着之支言而形之修書疏者實不可行不得不姑
廢之耳且閱臣以夷攻夷之疏自任必濟已蒙

先帝明見萬里有十羊九牧之旨而閱臣必藉此下補科
之命護領專 敕以行今所用所攻何在是策且自廢矣

職本不欲辨而前于京中忽得一單言五六月間奴賊搶掠屯堡三百餘處殺擄軍民近二十萬又被賊衆逼逃四五萬人且謂職夾按臣虛報堵截以爲天理良心安在不在意謂職隱匿欺君暴虐驅民而不圖閹臣所造至于斯也而猶不求一明白職即病歿而去何肯瞑目當據單案行各道咨令督撫都院按臣公同親詣各地方逐一挨查嚴叅以正職欺君虐民之罪一時撫道見者無不驚駭憤歎人人自危按臣亦移職書謂不意重明麗正之日謔口高張此惟告之

天地鬼神惟願神明陰殛貝錦投畀豺虎魑魅魍魎黑天

無日之言從何處查勘惟有仰屋嘆氣而已世道如此欲大臣立功于外其可幾乎此言非職出或亦天理人心所不容已而職猶念虜之爲言夷狄盜賊禽獸也遼東不幸爲西虜所侵暴東虜所攻陷何用更以虜禦虜而致動送單者之褻甲腹戈力相驅逐況職病已深賊虜自退亦有不煩于驅逐者惟是職奉

敕禦虜及爲地方主持日以爲虜使

朝廷之紀綱風俗以職不才故掃地何顏更立于文武吏民之上不罷職何以正法各衙門皆有此單不明白請旨行勘而扶全承襲裝人罪過没人勞苦何以明法伏乞

立

賜罷斥仍 敕兵部會同科道官確查單所從來証據明
實奏請行勘使職明白受法而去明心而效此亦彰公道
而鼓士氣以肅犯法而振軍之一端也至謂職擁兵十餘
萬而不能大入大創小入小創斬賊擒王而殃民蹙地爲
役奴所笑誠有知所嘆者第言斬賊擒王之事于此日之
兵之將且勿易言也凡用兵領總兵兵馬將官得力方能
濟事今總兵中惟賀世賢略短取長敢于戰陣侯世祿精
悍而初臨大敵劉孔胤善收拾城守行伍而戰陣非長將
官惟尤世功朱萬良等爲軍中白眉餘多庸庸碌碌見在

官事不敢盡言使人無色求大將如前日劉挺輩諸將梁
賁徐九思輩已不可得而各鎮兵馬又四五等選之餘無
一而非敗群下駟者發與總兵將官皆力辭不受若楊宗
業併自己帶來山西兵馬亦欲推之于人別求好兵又卒
無所得每勸諸將曰淮陰市人而戰劉岳張韓各家兵其
骨已朽即安得起而用之從來兵將隨時隨地顧用法何
如年來各邊匿自營之精者專選一種羸卒老馬悉付一
廢將或千摠抑勒而來及到山海關督臣欲汰回則人人
皆欲汰回無從下子只得勉發出關湊數內有營抽不足
而補以新募者皆市猾游棍每下營不知跼立在伍千把

總扯其手而安之伍及千把總去又離伍而千把總又扯其手而安之人人皆然日日皆然見之令人氣灰亦令人笑死川兵土兵毛兵雖伍法齊整亦強弱各半而平原曠野不能與賊騎相馳逐標左右兵募自河西義武營兵募自河東及各營潰卒皆日逐日盡賀世賢內丁皆招集殘兵于逃陣惟贅蓋所募者疏稱爲將官胡國臣王平等練成一枝勁兵高麗見之而嗾指奴酋李永芳聞之而畏懼此從來未煩修工一日者及前扶病看邊過靈陽見王平辭兵不受賺問可得精壯幾何平云所統一千七百餘人若挑選可得五百人戰謂此以一當十可戰者平云只可

像曾在營伍當過軍者何能戰過鎮江合城士民商賈公呈言五月十六日數十賊入鶯兒溝胡國臣領奇兵策應步兵二十人教場扎營夜半聞江湖聲以爲賊至吶喊數聲委棄戈甲奔城外驚起男婦赤身奔避而乘機搶掠民間財物且單聞平日奸騙諸狀乞調回別用免爲民害始悟高麗見而喉指者端是爲此恐閹臣亦不得借工作刑威爲贊畫隱諱也計通州各兵雖然有一十二萬之數而實在堪于戰者內除川兵土兵毛兵三項不挑其餘挑選精壯十不得其二三餘無奈何只得令充守城池採草放馬以及大兵之後至于馬匹疲損短少更不可言者今言

者第見遼中今日被賊收拾後之人情光景遂謂援兵陸續出關必一一可戰而不能戰以爲經略罪而抑知夫兵馬之不能戰一至此極也令箭摧而張帥殞命馬上摧而三路喪師職于今日何敢輕率如欲大入大創小入小創而斬賊擒王之事且將各邊精兵再調三四萬來成一川土兵勢然後進取亦未爲晚而非今日病臣罪臣所能及也今日之事惟有 亟遣才望勿誤壞封疆乃爲急著伏乞

聖明立賜裁決施行

遼東經略熊廷弼繳還上方席橐待罪疏曰職本不才蒙

先帝知遇屬以東事且賜尚方劍一口使得便宜行事職用是斬貪懦將三人逃叛卒數十人聊正軍法以彰

國威項臺臣顧慥論職謂尚方之劍僅供作威逞志之具職則不敢但職負尚方而不能使用者實多按軍法訛言惑人搖動衆心者斬乃軍中挾私快臆表裏爲奸流言匿軍布散蠱惑而職不能用也軍法部署幹轄以下商議兵政務在和允違者以違制論誤者斬乃軍中事事抗違率馬錢糧任意虛靡全不報驗而職不能用也軍法離伍者斬乃軍中一日而逃二千人不一人正法而職不能用也軍法妄言賊至夜呼驚衆者斬乃軍中聞江湖聲夜半驚

惶乘機搶掠而職不能用也。軍法取人財物者斬。乃軍中
指騙閱視科欵各營賂如朱桂芳高洪中等而職不能用
也。職負尚方多矣。科臣楊漣論職當繳還尚方。席藁待罪。
且責職以一刀兩斷不宜做近來頑鈍無恥行徑而不能
待。謹將原賜劍一口具奏繳還。不敢再留作威逞志。爲願
愼過憂惟是劬爲。

朝廷威靈所係。劍還而職已無所恃。官軍已無顧忌。五日
京兆玩侮易生。所關封疆存亡甚重。伏乞

皇上如職前疏。亟賜罷斥。聽勘一面議遣才望來代。一
面移撫臣于遼陽。督臣于廣寧。薊撫臣于山海關。支撐目

前危急人情事机間不容髮而無徒悠悠使

國家受麻木不仁疾病則病臣幸甚殘疆幸甚

太常少卿姚宗文揭明閱視

揭云職昨者祇役三韓既以不待時舉聞罪經略嗣因
東方疆土日蹙我兵日怯奴志日張誠如所云蚕食及
木無皮之喻端端焉懼賊果長驅遂審定為村屯之續
也故竊效他山之石而經略之怒益甚矣昔疏紛紜若
有分天之恨者夫東事成敗關社稷安危主兵首舉
事之得失此萬耳萬目之所法萬心萬口之所詳也職
弟思之至其所辦職疏者初疏大約謂書生心驚怯眼
孔小不能盡知其方略再疏則云訓練有方部署有法
戰守畢具而商民安堵誦張滿紙矣夫始固謂而少洋
洋於人之狀生魚盡生魚之狀矣如將為釜中之遊何
哉甘善練兵者持劍指揮之餘雖婦人亦可以戰李將
軍推牛亭士三月遂大破胡既訓練部署有方即不能
長驅出塞亦當坐家殺賊何花發山城與王大人屯及
過者蒲河之役不能小入而小創也何經略前日之疏

尚言即將一十六萬亦不中用又云兵無如賊何將無
如兵何總兵無如將何賊亦無如總兵何又云少為戰
則不成其為戰也甯時日之幾何倏而壁壘收觀旌旗
生色繫前者之言以為証自相矛盾經略之所云轉危
為安者第以途藩尚存耳不知岌岌焉憂遼之危者此
三路初敗兵將未集時事也已空九邊之精銳竭五方
之物力將敵是求寧止自衛彼遼藩之外林總生聚者
孰非中國之赤子屯堡相望者孰非
祖宗之封疆如任其倒削天下有漸逼漸深斗絕孤城
而能晏然無恙之理乎今遼藩幸存急作改觀或尚可
收拾故望望計之如必遼藩既失而後議經略之功罪
亦太晚矣嗟嗟尋个對頭久之而問向道臣之語一嘆
而去也見于遺司農之書安得買捐之業朱崖之議曾
明示于往來之牘經略之不欲終任遼事此念素矣遼
疏請告歸員不果今者得去大慰本懷紛紛疏揭如耿
耿不平之甚者此不欲放倒英雄架子耳如果有不胡
之恩可期報國之心未遂願轉躬盡瘁以觀成功者
何不具疏力請曰臣不敢負國重恩今命置經管犬
有成績雖人民殺擄不可更生而疆土淹沒者不難恢
復伏願如漢班定遠彼正之後請留單師一年以成西

此之功再不放 臣之罪則

臣等不敢轉圜諸臣且為推故此大英帝之所為也何
謂不出于此而徒狂呼怒號為事乎至經略所以短
六另標其已經廣寧過堂者免點外三萬餘職與四道
二廳一日並點以防協濟應點之弊此與各道臣議定
而行者也又謂職海上定令則恭套為登運道風雪
嚴一往周覽此道臣請出而行者也又謂職中軍才官
等指駟閱視夫往來邊塞風塵不得不用此章既用此
輩知在今日必有此番裝點點弟先時申飭臨期禁約且
密屬各道并查盤官暗臨查訪亦有法外之入使誠有
之則當日明正其罪與遼陽之賊孤杜鼠竊天生殺予
導之柝者同伏乞斧鑕以慰三韓疆土之心豈非快事
何至今日始怒于室而色于市乎又職行至廣寧時經
畧以二十金餉從者且致書云從者奔走辛苦此與決
不可廢職愛而給之爾視之說毋自上剗之且前見書
而後議誅此亦愛憎之至幾也殆職初至遼陽經略賦
詩相送逾日職亦詩酬之中二語云辭心係望謝安石
千帳傳呼郭令公勲業相期實由衷念今以議論相左
大非初心且職已出省垣非慷慨論列之日也故不具

疏而謹揭

遼東經略熊廷弼奉

旨解任回籍聽勘兵部勘議定奪仍料壘候代員缺命部卽會推